

口 12  
3327  
2

5 6 7 8 9 40 1 2 3 4 5 6 7 8 9 50 1 2 3 4 5 6 7



昭和十八年  
七月二十一日  
購求

四書宗廟圖考序

君子將營宮室宗廟爲先廟制顧可不講求哉天子七廟諸侯五廟必無祖孫並列之禮賈疏之誤朝聘部迎賓入廟考及本部辨之詳矣至大夫士之廟皆有門堂寢室惟徐與喬曰如大夫士廟有門堂寢室則大邑巨家父子世官兄弟同朝將廟多於民居矣如云皆設於宗子家則宗子家無地可容按此是謂大夫士必無門堂寢室矣吾意不然考禮器云季氏祭子路與室事交乎戶堂事交乎階有司徹篇鄭注云上大夫旣祭儻尸於堂若下大夫祭畢禮尸於室中有堂有室則有門有寢可知此卿大夫廟有門堂寢室之證也士冠禮士昏禮士喪禮諸篇所云有每門每曲階有階則有堂在堂隅遍室士喪禮注正寢之室寢門房室此士廟有門堂寢室之證也是編不爲大夫士之廟繪圖正以其易曉也自識

目錄



祭祀總畧	郊社宗廟	宜州太平縣杜炳雲嚴氏學	男梓村校
天子七廟 <small>廟制</small>	周武王時七廟	諸侯五廟 <small>廟制</small>	每門每曲揖
周大禘	周武王時大祫	周九廟	周太廟室中昭穆之位
魯禘	灌 <small>既灌而往者</small>	周武王時祫	禘祫
五社	社稷	壇壝	郊社合祭分祭
大夫士祭	宗器	皿	設裳衣
薦時食	序昭穆	序爵	序事
旅酬	下爲上	燕毛	春秋宗廟兩節
踐位	行禮	奏樂	祭神
不與祭	疏食菜羹瓜祭	君祭先飯	祝
禱	諫	饗	

葉文康公曰大宗伯首及於天神人鬼地元之三禮五禮異用而首以吉禮居其先此正虞朝秩宗典朕三禮之意太宰以八則治都鄙一曰祭祀以九貢致邦用一曰祀貢以九式節財用一曰祭祀之式夫祭莫大於郊邱莫尊於宗廟其次社稷其次山川百神於是乎有禋祀實柴槱燎之禮以祀天神有血祭狸沈齋辜之禮以祭地元有肆獻裸饋食祠禴嘗烝之禮以享人鬼天神地元之祭一歲間舉而宗廟人鬼之享四時特詳此詳於廟享之禮也且先王致嚴於祭祀者惟曰犧牲曰粢盛曰豆籩曰尊彝曰珪幣而已今以周禮考之太宰贊王牲司徒奉牛牲宗伯省牲鑊司馬奉馬牲司寇奉犬牲小宗伯毛六牲頌之於五官肆師則典犧牲繫於職人牧人牲司徒奉牛牲宗伯掌羊犬人掌大雞人掌雞射人贊射牲封人歌舞牲太祝則辨牲號此嚴於犧牲之奉然也甸師則掌王籍共粢盛內世婦則帥女官爲粢盛外世婦則帥六宮共粢盛廩人則掌神倉之穀以其接盛春人則掌米物共粢盛饋人掌酒以實八尊司尊彝則掌六尊六彝饗人和鬱鬯鬯人共鬯此陳尊彝之禮然也太宰小宰則贊玉幣大宗伯則作玉器奉玉盤肆師則用牲幣典瑞則奉玉器天府則陳寶玉太祝則辨幣號此則奉珪幣之禮然也酒正以法共五齊三醞人則掌四豆之實內宗則掌宗廟加豆邊外宗則佐王后薦豆邊此則陳豆邊之禮然也酒正以法共五齊三酒以實八尊司尊彝則掌六尊六彝饗人和鬱鬯鬯人共鬯此陳尊彝之禮然也太宰小宰則贊玉幣大宗伯則作玉器奉玉盤肆師則用牲幣典瑞則奉玉器天府則陳寶玉太祝則辨幣號此則奉珪幣之禮然也其他如司服辨王之吉服幕人共帷幕幄帝掌次張邸帝案司几筵設祀先王胙席無非整肅乎祭祀之美修飾乎祭祀之容亦可謂齊明盛服非禮不動者矣然古人所以交於神明初非繁文縟儀而已剏美之共而大羹之設散鹽之共而苦鹽之尚醴酒之陳而元酒之貴畫布之幕而疏布之用無非貴本反始未嘗貴滋味而美多品也然則交於神明者其必有道乎按大司樂乃分樂而序之以祭以享以祀一變而致羽物及川澤之祇再變而致羸物及山林之祇三變而致鱗物及邱陵之祇四變而致毛物及墳衍之祇五變而致介物及土祇六變而致象物及天神又曰六變則天神皆降可得而禮八變則地元皆出可得而禮九變則人鬼可得而禮物何所致而鬼神元果何所降耶考之於文不過聲音節奏耳始焉格天神地元人鬼以禮終焉格天神地元人鬼以樂是豈聲音節奏之所能感哉蓋禮者天

地之序樂者天地之和形之於祭祀享之時既有以合其序寫之於奏歌舞之際又有以合其和先王之所以交於神明者蓋於此乎寓勿乎其欲享也洋洋乎其如在也故曰神之格思不可度思矧可射思誠之不可捨如此哉○尚書大傳曰祭之爲言察也察者至也人事至然後祭祭者薦也薦之爲言在也在者在其道也春秋繁露曰祭者察也以善逮鬼神之謂也善乃逮不可聞見者故謂之察祭之爲言際也與察也祭然後能見不見之見者說苑曰祭之爲言索也索者盡也乃孝子所以自盡於親也


郊社宗廟說  
按葉文康公曰大司樂圓丘禮天方丘禮地則天地分祭明矣天神則昊天上帝日月星辰司中司命飄師雨師之類是也圓丘祭天則合天神禮之地祇則社稷五祀五嶽山林川澤四方百物之類是也方丘祭地則合地祇禮之冬至陽生天屬陽故冬至於圓丘陽位以禮天神夏至陰生地屬陰故夏至於方丘陰位以祭地祇此天神地祇之祭必求諸陰陽之義亦如禮東方則以立春禮青帝於東郊禮南方則以立夏禮赤帝於南郊禮西方則以立秋禮白帝於西郊禮北方則以立冬禮黑帝於北郊此則有分祭之禮也先儒以爲合祭者徒見詩言昊天有成命謂郊祀天地也則曰郊祀無天地之分不知詩人但見郊祀天地皆歌此詩何嘗言其合祭也宗伯六器既薦而饋有饋食禮周禮以肆獻祔饋食之禮加於四時祭祀之上謂祔與四時之祭皆然也況司尊彝言祠禴則有朝踐再獻之禮嘗烝則有朝獻饋獻之禮追享朝享則有朝踐再獻之禮是四時之祭皆有肆獻饋食之禮也

四書圖考卷三  
 諸侯五廟  
 廟制考 禮記義疏 御案禮記祭法天子七廟諸侯五廟大夫三廟適士二廟官師一廟庶人無廟昭穆各如其數朱子曰今且假諸侯之廟以明之蓋周禮建國之神位左宗廟則五廟皆在公宮之東南矣其制則孫毓以外爲都宮太祖在北二昭二穆以次而南是也蓋太祖之廟始封之君居之昭之南廟四世之君居之穆之北廟三世之君居之廟皆南向各有門堂寢室而牆宇四周焉太祖之廟百世不遷其餘四廟則六世之後每一易世而一遷之廟制考江慎修鄉黨圖考云朱子始作或問用孫毓說謂諸侯五廟太祖之廟居北二昭二穆以次而南如此則聘禮迎賓不得有每門每曲之揖矣據賈公彥疏則五廟是並列每廟有隔牆隔牆有通門又謂之間門君迎賓自大門內折而東行歷三閭門乃至太祖廟門中曲處狹則主賓有揖其說甚確儀禮經傳通解及儀禮釋宮皆引之今據此圖之天子七廟大夫三廟制亦倣此按賈疏江慎修從之 欽定儀禮義疏駁之當從孫毓說詳上下圖及聘禮迎賓入廟圖



每門每曲揖 欽定儀禮義疏迎賓入廟圖說痛駁賈疏五廟並列之妄茲謹遵迎賓入廟圖演爲全圖每門每曲之揖似益明顯按聘禮若行於禱廟則公與賓入庫門北行一曲而東行揖一東行至間門揖再入閭門東


行再曲而北行揖揖北行至都宮門揖揖入都宮門北行三曲而西行揖揖西行至閭門揖揖入閭門西行四曲而北行揖揖北行至禰廟門公揖入立於中庭賓立接西塾凡廟門兩旁有塾東面是禮行於禰廟則所謂每門每曲者三門四曲也聘禮若行於太祖之廟則公與賓入庫門北行一曲而東行揖揖東行至閭門揖揖入閭門東行再曲而北行揖揖北行至都宮門揖揖入都宮門北行直至太祖廟門公揖入立於中庭賓立接西塾東面是禮行於太祖廟則所謂每門每曲者兩門兩曲也



### 廟制考七廟 禮記義疏

御案廟說爲禮家聚訟之門今依朱子說圖之以爲折衷據朱子云廟制皆於中

門外之左各有寢廟別有門垣太祖在北左昭右穆以次而南天子太祖百世不遷一昭一穆爲宗亦百世不遷宗日祧亦二昭二穆爲四親廟高祖以上親盡則毀而遞遷昭常爲昭穆常爲穆諸侯則無二宗大夫則無二廟高曾其遷毀之次則與天子同儀禮所謂以其班祔禮弓所謂祔於祖父者也三代之制其詳雖不得聞然其大畧不過如此今由朱子說推之則五廟以下及劉歆九廟之說其制大槩可知矣



### 廟制考七廟 兼考祧遷祔

七廟乃天子常制非周改前代之制開國時卽立九廟也至懿王之時乃立文世室至孝

王之時乃立武世室以文武有功德當宗故別爲立廟與始祖之廟一祖二宗百世不祧本不在七廟常制之數蓋宗無定數假如周家只一人當宗則加一廟而爲八廟亦可也周家而更有三人四人當宗則加三廟四廟而爲十廟十一廟亦無不可說本劉歆昭常爲昭穆常爲穆蓋二世祧則四世遷昭之北六世祔昭之南廟矣三世祧則五世遷穆之北廟七世祔穆之南廟矣昭者祔則穆者不遷穆者祔則昭者不遷此所以祔必以班而子孫之列亦以爲序○其遷也新主祔於其班之南廟則遷其班北廟之主於太廟之西夾室而謂之祧廟

太廟考此周制天子太廟圖也山節藻棁復廟重檐刮楹達鄉以密石磨柱使之精澤故曰括楹達通也鄉牕牖也每室四戶八牕牕戶相對○三昭三穆廟畧同諸侯廟黝堊斲碧大夫蒼楹斲桷士又降堂寢室不殺

尊大太禮主不一始廟爲始禘  
遠祫廟五亦陳配祖室主祖王  
祫不室年不並一南中設所者  
取同中一陳三非向東虛自之  
合蓋者次也昭惟配向位出大  
祖禘又行此三毀之而於之祭  
也取與於禘穆主祭以太帝以

周武時大祿

左向列穆北入最祖廟焉而之時  
爲蓋於之牖乎尊東之三殿主祭  
昭羣南入下此之向主年廟皆之  
而廟牖乎而者位自亦大之升祫  
右之下此南皆羣如與祫主而則  
爲列而者向列昭而惟則不合羣  
穆則北皆羣於之爲太殿與食廟

禘祫考 詩序曰長發大禘也鄭箋曰大禘郊祭天也禮記曰王者禘其祖之所自出以其祖配之謂是也詩序曰雖禘太祖也鄭箋云禘大祭也大於四時而小於祫太祖謂文王春官大宗伯以肆獻裸享先王以饋食享先王鄭注云宗廟之祭肆獻裸饋食在四時之上則是祫也禘也司尊彝凡四時之間祀追享朝享裸用虎彝雖彝皆有舟鄭司農注云追享朝享謂禘祫也在四時之間故曰閒祀禮祭法曰有虞氏禘黃帝夏后氏亦禘黃帝殷人禘舜周市則所謂禘其祖之所自出也夏后氏禘黃帝義同舜也殷禘黃帝夏后氏禘黃帝商人禘舜周人禘舜陳祥道曰國語之爲言禘諦定昭穆尊卑之義也祫祭以冬十月冬者五穀氣在上陰氣在下故正尊卑之義也東陽許氏曰王者立始

祖之廟百世不遷諸侯亦有始祖廟王者又推始祖所自出之帝以祔之蓋帝者不得始受命之如也世數既遠不可以立廟則祭於始祖之廟而以始祖配之凡廟各有主皆居室中東面之位而獨尊祔則於始祖廟中特設所自出之主於東面而始祖之主退居南面以配之也通考楊氏曰禮不王不祔王者祔其祖之所自出見於大傳見於小記見於喪服子夏傳祭法首述虞夏殷周已行之禮又信而有徵後之言祔者皆求其說於三年一祔五年一祔之中而不求之於祔其祖之所自出皆由混祔於祔而遂至於不知有祔既以祔祔皆爲魯禮又以祔祔同爲殷祭欲辨祔祔之名所以不同馬融謂祔大祔小鄭元謂祔大祔小賈逵劉歆謂一祭二名紛紛異同得失不能相遠禮書曰鄭元隨文求義解祔輒有四種注祭法及小記則云祔是祭天注詩頌則云祔是宗廟之祭小於祔注郊特牲則云祔當爲祔注祭統王制則云祔是夏殷之時祭名殊可怪也按朱子語類祔只祭始祖及所自出之帝祔乃合羣廟皆祭當以趙匡之說爲正程先生說祔是祔其始祖之所自出併羣廟之主皆祭之祔則止自始祖而下合羣廟之主皆祭之所謂祔祔之說恐不然故論語集註止取趙伯循名之說按祔有三項名同而義異有時祔夏殷時夏祭也有吉祔免喪卽吉致新死者之主於廟廟之遠主當遷入祧因是大祭以諦審昭穆也有大祔祭始祖所自出之帝以始祖配之也明茲三項立破疑圓惟鄭以祔爲祭天蓋舊說也

皇考烈考當爲一人並指文王若依序作禘太祖之詩箋疏謂成王禘祭文王太祖指文王則當以王氏安石皇考謂武王烈考謂文王爲正毛萇以烈考爲武王則武王不得與文母太姒並右要之此於禘義皆未明若指成王致武王新主於廟而行吉禘不是禘祭文王若指大禘當是禘祭譽而稷配之惟呂氏祖謙謂周得行禘禮於太祖者皆文武之功故作樂歌以告太祖是帝譽與后稷俱在所告之中庶於序說無礙按長發詩朱子以爲祫祭之詩蓋以大禘不及羣廟之主惟祫祭合先世之主於太廟室中也序以爲大禘之詩鄭箋以郊祀天爲禘則此篇曰契曰相土曰湯曰伊尹與郊祭未協王肅遂以爲宗廟之祭蓋以殷之夏祭亦名禘故耳然夏禘時祭也不及羣廟之主無因言及契與相土宜朱子定爲祫祭之詩歟

卷之三

卷之三

1


三

魯禘考 明堂位曰成王以周公爲有大勲勞于天下是以封周公於曲阜地方七百里草車千乘命魯公世世祀周公以天子之禮樂是以魯君孟春乘大路載弧韜旂十有二旒日月之章祀帝于郊配以后稷天子之禮也季夏六月以禘禮祀周公于太廟牲用白牡尊用犧象山罍鬱尊用黃目灌用玉瓚大圭薦用玉豆雕簋爵用玉琰仍雕加以璧散璧角俎用梔歲升歌清廟下管象朱干玉戚冕而舞大武皮弁素積褐而舞大夏昧東夷之樂也任南蠻之樂也納夷蠻之樂于太廟言廣魯于天下也祭統曰昔者周公旦有勲勞于天下成王康王追念周公之所以勲勞者而欲尊魯故賜之重祭外祭則郊社是也內祭則大嘗禘是也夫大嘗禘升歌清廟下而管象朱干玉戚以舞大武八佾以舞大夏此天子之禮樂也康周公故以賜魯也子孫纂之至於今不廢所以明周公之德而又以重其國也東陽許氏曰通鑑外卷一百一十一<sub>謂魯惠公使宰讓請郊廟之禮于天子王使史角往魯公止之路史謂惠公之止之是周不與之也不與而魯用郊自用之也然則魯之郊禘皆後世之僭而互會爲明堂位之說歟不然孔子何以曰魯之郊禘非禮也周公其衰矣禮書曰魯之用禘蓋於周公廟而上及文王卽周公之所出故也此祭惟得於周公廟爲之閔公時遂僭于莊公廟行之以其不追配故直言莊公而不言莊宮明用其禮物耳不追配文王也本以夏之孟月爲之至孟獻子乃以夏之仲月爲之按論語集註魯祭非禮自是定斷陳氏謂得於周公廟爲之非是至閔二年是吉禘于莊公非大禘也吉禘者致新主於廟廟之遠主遷入祧因是大祭于太廟以禘審昭穆此不爲僭竊春秋所譏以其未畢三年喪又別立廟吉祭不於太廟耳陳氏以爲僭是誤以吉禘爲大禘</sub>

迎牲致陰氣也春官大宗伯曰以肆獻裸享先王注云宗廟之祭始灌鬱以求神既灌則

體以薦熟既薦則獻黍稷以饋食肆師祭之日裸築鬻注云築鬻者擣鬱金汁煮之以和秬鬯也鬱人掌裸器凡祭祀賓客之灌事和鬱鬯以實彝而灌之凡裸玉灌之陳之以贊裸事詔裸將之儀與其節鬯人掌共秬鬯而飾之司尊彝掌六尊六彝之位詔其酌辨其用與其實春祠夏禴裸用鷄彝鳥彝皆有舟秋嘗冬烝裸用斝彝黃彝皆有舟凡四時之間祀追享朝享裸用虎彝蜋彝皆有舟○按禘禮九獻九獻之禮凡四節其一節曰裸禘日夙興室中

近北陳鬱鬯鬱人掌灌事和鬱鬯以實彝而陳之將灌王服袞冕而入奏王夏后服副禕從王入奏齊夏次乃尸入奏肆夏王以圭瓚酌鬱鬯以投尸尸受之灌地祭之以降神乃啐之奠之此求神之始也是謂一獻后乃以璋瓚酌鬱鬯以亞獻尸尸亦祭之啐之奠之是謂二獻其二節曰薦腥后裸畢王出迎牲入親牽之大僕贊王牲事取血以告殺取毛以告純解而腥之薦於神王以玉爵酌醴齊以獻尸爲三獻后亦以玉爵酌醴齊以獻尸爲四獻其三節曰薦熟薦腥卽朝踐薦熟卽饋獻亦曰饋食朝踐之後體解其牲而烹之乃徒堂上之饌于室內祝以斝爵酌奠又取腸閒脂煠蕭合馨香迎尸入室后薦饋獻之籩豆王酌壺尊以盎齊獻尸爲五獻后又酌壺尊以盎齊獻尸爲六獻其四節曰醻薦熟之後次行朝獻尸食十五飯訖王以王爵因朝踐之尊酌醴齊以醻尸七獻也后乃薦加籩豆尸酌酢主人主人受嘏次行再獻禮后以瑤爵因饋食之尊酌盎齊以醻尸八獻也后酌口畢諸臣爲賓者以瑤爵酌醴齊獻尸爲九獻也此是正獻九獻後又有加爵及上嗣舉飲奠之禮禮運疏九獻後謂之加爵特牲有三加則天子以下加爵之數不祇三加也文王世子篇其登獻受爵則以上嗣君之嫡長子尊祖之道也疏云特牲賓長爲加爵畢嗣子乃舉奠莫奠者初尸未入之前祝酌奠尸入祭奠不飲至此乃嗣子舉之嗣子旣飲尸前爵畢乃更洗爵酌入以進尸又按九獻



四書圖考


宗朝

壇禪

一

卷三

一壇一簾者矣五廟一壇一簾大失三廟一壇



郊社考 春官大司樂疏曰禮天神必於冬至禮地祇必於夏至之日者以天是陽地是陰冬至一陽生夏至一陰生是以還於陽生陰生之日祭之也至於郊天必於建寅之時若然祭神州之神於北郊與南郊相對雖無文亦應取三陰爻生之月萬物秀實之時也言圓丘者按爾雅土之高者曰丘取自然之丘圓者象天圓地言澤中方丘者因高以事天故於地上因下以事地故於澤中取方丘者水鍾曰澤不可以水中設祭故亦取自然之方丘象地方故也通典曰冬日至祀天於地上之圓丘在國南五十里

前期十日戒百官族人各揚其職習射於澤宮選可與祭者王乃致齋於路寢之室服大裘而立於丘之東西南面大司樂奏圜鐘爲宮以下之樂以降神次積柴於丘壇上王親牽牲而殺之次實牲體玉帛而燔之次掃丘壇而祭尸前置蓍璧薦血膾及籩豆等王乃以匏爵酌瓦鑪之泛齊獻尸次大宗伯攝王后事亦以匏爵酌醴齊亞獻爲朝蹠二獻每獻奏樂一成次薦熟於神前薦畢王酌盃齊獻尸大宗伯酌醴齊亞獻所謂饋獻尸食訖王更酌泛齊醕尸所謂朝獻大宗伯更酌醴齊亞醕所謂再獻又有諸臣爲賓之一獻通前凡七畢獻之後舞六代之樂其樂章用吳天有成命夏日至禮地祇於澤中之方丘其丘在國之北其日王立於方丘東南西面奏函鍾爲宮以下之樂以致其神王親牽牲取血并玉瘞之以求神謂之二始尸前置黃琮其五齊七獻之禮悉與郊同○周息園曰古者天地有正祭有告祭以冬至夏至分祭爲正祭若舜之類于上帝望于山川武之告于皇天后土又庚戌之日柴望並行成王之丁巳用牲于郊戊午社子新邑則所謂告祭也正祭其禮一而尊故既有定時又有定位告祭其禮要而簡故不拘其位不拘其時卽舉望舉社亦可以該地祇所謂禮雖不同義各有當者也

郊社合祭分祭考 周息園曰從來主合祭者皆據詩昊天有成命篇詩序以爲郊祀天地也然是詩叔向以爲道


成王之德今觀詩中明明頌成王則叔向之言不誣矣孔氏謂南郊祀天北郊祀地皆用此篇爲樂旣分南北郊卽不得云合祭也據尙書所云原無祭地明文卽使祭地亦未必同日卽使同日亦是因事告祭不得爲常禮總之合祭無明文分祭則見於周禮大司樂冬至圓丘禮天夏至方澤禮地此一證也又見於祭法燔柴於泰壇祭天也瘞埋于泰折祭地也此又一證也朱子曰古者天地不合祭日月山川亦無一時共祭之理則分祭之說長矣按周氏所據周禮祭法朱子之說並指正祭冬至祭于圓丘夏至祭于方澤而言正祭固分而告祭未嘗不合儀禮義疏御案曰祭天有九冬至南郊季秋大饗明堂二者大祭孟春祈穀仲夏雩祀孟冬祈年及卽位而類出征而類巡守而柴大故而旅皆因事而祭也南郊北郊天地分祭卽位出征巡守天地合祭蓋以覆載生成論則分故圓丘方澤牲玉皆異以天統地地承天論則合故凡告祭則同其從祀則南郊主日配月北郊主社配稷祈年祈穀及風雨星辰大社及五岳四瀆山川王社止圻內山川大饗大旅止及五帝不及地祇其配位則圓丘虞夏以黃帝配殷鼓于社不及稷矣巡守出征與天同告又告社載社主以行大蜡祈禳兼大社王社耕籍止及王社也方社有六迎以帝嚳配周初亦以嚳配周公定禮乃以始祖配祈穀祈年以后稷配也祭地大祭一北郊方澤也亦通名社饗祭一大災類社稷也此與稷同祭若夫封而告于大社出征宜于社歸獻俘于社大會同宜于社反釋奠于社日食伐北郊與圓丘方澤爲二不如王肅南郊卽圓丘北郊卽方澤之說爲確而祖緯書多立之名宜後儒訾其繆妄然王氏謂有五人帝五人臣無天五帝五臣亦非篤論

社祭地考 出註 春官大宗伯曰以墳琮禮地琮方象地黃其色也大司樂曰凡樂函鍾爲宮大族爲角姑洗爲徵南呂爲羽靈鼓靈鼗孫竹之管空桑之琴瑟咸池之舞夏日至于澤中之方丘奏之若樂八變則地元皆出可得而禮矣祭法

卷之二

卷之三

曰瘞埋埋牲于泰折壇祭地也按章句社祭地一語後儒各持一說有謂社與地不同者曰地者后土之總稱社者地之屬而非卽地猶五帝爲天之尊神而非卽天所以祭地用骍犧社用大牢祭地七獻祭地服袞衣社服希衣祭地以后稷配社以句龍配天子祭天地諸侯祭社稷此社與地不同之說也有謂社與地合二者曰古者祭地於社猶祀天於郊也故泰誓曰郊社不修而周公祀於新邑亦先用二牛於郊後用大牢於社也記曰天子將出類于上帝宜于社又曰郊所以明天道社所以神地道周禮以禋祀祀昊天上帝以血祭祭社稷而別無祭地之文四圭有邸舞雲門以祀天兩圭有邸舞咸池以祀地而別無祭社之說則以郊對社明矣後世既立社又立北郊失之矣此社與地合一之說也有謂社祭有二一是祭地一不是祭地者曰凡祭所在五土之神曰社先儒所謂一山林二川澤三邱陵四墳衍五原隰是也祭大地之神亦曰社周禮所謂夏至祭皇地祇于方丘是也方丘之社惟天子得行之五土之社與稷神並祭諸侯通行之故曲禮云天子祭天地諸侯祭社稷中庸郊社之社卽地祇之社故章句曰社祭地若祭五土之社則不可曰祭地而必曰祭社今按此云祭大地之神亦曰社與



社稷考 禮記義疏 御案周禮大司徒設社稷之壝郊特  
牲云君南鄉於北墉下註以爲社內之北牆大司徒疏謂中有壇

壇四面有壁壁外有墳記謂大社必受霜露風雨以達天地之氣故不屋勝國之社則屋之其祭也賈疏以爲同壇共位則一壇也禮書以爲社東稷西則二壇也以理論之社稷本二神則禮書說

爲是  
追王考 禮大傳曰牧之野武王之大事也旣事而退柴于上帝  
祈于社設奠于牧室牧野之室遂率天下諸侯執豆籩逸奔走追王大

王宣父王季歷文王昌不以卑臨尊也。大傳說追王是武王時事與中庸言周公成德者不合。又武成詩丁未祿于周廟而其告庶邦冢君稱太王王季金縢之祝冊曰若爾三王是武之時已追王大王王季矣。又歸之詩上稱古公亶父下稱文王是古公未上尊號之時文王已稱王矣。可知文王之王與太王王季之王自不同時而追王大王王季亦必不直俟至周公踐阼之後。疑武王未克商先已追尊文王史記伯夷列傳云西伯卒武王載木主號爲文王東伐紂是也。此說本日知錄又四書質疑云上祀之意定於周公子思特因周公當日始以天子之禮祀大王王季而牽涉於追王惟追王方可祀以天子之禮此說未免強解。又疏云按大傳武王追王大王亶父王季歷此云周公追王不同者武王旣伐紂追王布告天下周公追而改葬故不同也。此說更繆。武王伐紂時惟文王未葬故夷齊謂父死不葬爰及干戈至大王王季其葬已久豈有周公再爲改葬之理。竊意追王之事當如陳氏所云武王有其志而佐以周公則周公制追王之禮在武王受命之年不在輔成王踐阼之日真說得八面圓活。

四書圖考

宗廟

大夫士祭

宗器

皿

公叔祖類立路史作雲都子公叔組紳公叔祖類卒路史譜類下多諸子古公亶父立蓋一世是爲太公太子又按路史周世考篇稷及禹契同時契十四世而至成湯今叙后稷十五世而至文王中閱夏商二代所較者三十餘世疎脫甚矣婁敬言自后稷封邵十餘世而公劉避桀卽稽世本不窩而下至季歷猶有十七世豈十五世所得盡哉斯言差爲近是故載史記而附路史之說於下以備參

大夫士祭考 按王制云大夫三廟士一廟祭法云大夫立三廟享嘗乃止適士二廟享嘗乃止官師一廟並詳宗廟考特舉上士言之耳官師一廟者諸侯之中士下士得立一廟也祭則大夫用柔日也士不諱日也天子之大夫用大牢天子之士用少牢也諸侯之大夫用少牢諸侯之士用特牲也大夫以五鼎也士以三鼎也大夫之祭服主人朝服主婦被錫音替衣侈袂也士之祭服主人元冠元端主婦纏笄宵衣也又大夫之祭歌采蘋采藻盛以筐筥鍛金奠于宗室牖下大夫主之季女尸之也士則有田則祭無田則薦薦如庶人之春薦韭夏薦麥秋薦稻也

宗器考 呂氏曰宗器於祭陳之示能守也於顧命陳之不能傳也有寶器焉大玉夷玉天球之類是也有庸器焉庸功也伐國所獲之器崇鼎貢鼎之類是也有兼備數代之器如伊耆之鼓籥女媧之笙簧夏后之箕盧有虞氏之兩敦夏后氏之四連殷之六瑚之類是也有頒賜之器如魯公之繁弱康叔之旃旌唐叔之闕鞶甲密須鼓是也治定功成兼用歷代之禮器於春官司尊彝見之虎雖爲虞彝雞爲夏彝臯爲殷彝黃目爲周彝泰爲虞尊山罍爲夏尊著爲殷尊儀象爲周尊也

皿考 說文曰皿飯食之器也增韻曰皿盤孟之屬孟子集註則曰皿所以覆器者今考覆器有數種有以蓋覆器者如儀禮士昏禮曰黍稷四敦皆蓋少牢饋食禮曰金敦忝有蓋註云敦簠簋之屬集古錄曰簠簋禮家其蓋刻爲龜形此以蓋覆器之證也有以茅覆器者如公食大夫禮曰鼎鼐若束若編言用茅也士冠禮昏禮特牲饋食禮有司徹皆曰鼎設鼎聘禮少牢饋食禮皆曰鼎設鼎凡鼎鼐皆用茅此以茅覆器之證也有以巾覆器者如燕禮幕用疏布二鬲則幕用葦席此以葦席覆器之證也

設裳衣考 春官守祧掌先王先公之廟祧其遺衣服藏焉若將祭祀則各以其服授戶既祭則藏其服出遺衣以授戶使魄氣有所依也推之而先王當日功勤日昃有卑服焉德被古幽獻裘裳焉后賦葛覃成緺給焉邑遷岐畫布尚文也鬯人掌其秬鬯而飾之註云飾之設巾也曲禮曰爲天子削瓜者副之巾以緺蓋天子國君之瓜必有器以盛之此以巾覆器之證也有以葦席覆器者士喪禮曰鬲縣于重幕用葦席蓋一鬲則幕用疏布二鬲則幕用葦席此以葦席覆器之證也

序昭穆考 朱子章句曰左昭右穆者死者之昭穆也羣昭羣穆者生者之昭穆也典林云按序昭穆謂同姓之無爵者於阼階下分爲兩行西面北上以次序立其同姓有爵者與異姓之爵序立于西階下文王世子篇言公族在廟以爵爲位可證也儀禮賈公彥疏最詳明具錄於左儀禮特牲篇云公有司門西北面東上獻次衆賓私臣門東北面西上獻次兄弟疏云天子諸侯祭祀其位無文可依此位矣同姓無爵者在阼階前西面北上卿西階前東面北上大夫在門東北面士門西北面少牢下篇云衆賓位在門東北面旣獻在西階西南衆賓繼上賓而南天子諸侯之賓其位或依此與祭統云凡賜爵昭爲一穆爲一昭與昭齒穆與穆齒又文王世子云公族在外朝則以官在宗廟如外朝之位以此差之知同姓無爵者從昭穆有爵者則以官矣典故辨正曰序子孫之昭穆舊說謂同姓之無爵者於阼下分爲兩行西面北上以次序立其同姓有爵者與異姓之爵序立於西階下文王世子篇言公族在

外朝則以官在宗廟如外朝之位以此推之知同姓無爵者從昭穆有爵者則以官此鄭賈諸儒之說也任鈞臺曰周之宗盟異姓爲後有爵者入異姓不後之乎東階之下無一有爵者宗盟不太無色乎類族辨物禮之大者混同姓於異姓豈類族乎意阼階世次則自北而南以北爲上以序昭穆爵位則於一世中自西而東以尊卑爲序蓋世異則子不可先父故貴不敵親世同則弟不妨先兄故親不敵貴也按任氏謂序昭穆中兼序爵其說實勝先儒然其義例尚不止此楊文來曰序昭穆有二義一序其自出之昭穆如虞吳爲太王之昭二號爲王季之穆魯衛爲文王之昭晉韓爲武王之穆其名世世不易此辨親疏之遠近也一序其所居之昭穆如周公是文王之昭伯禽又是穆考公又是昭此別世次之尊卑也全謝山曰序昭穆必先序宗法如伯禽以周公之後稱大宗蔡衛以下俱屬焉諸國之子孫弗敢先也又必序族屬之遠近假如大王之昭再傳其與文王之昭兄弟也文王之昭再傳其與成王之昭兄弟也然而各有一族則各爲一列近者先遠者後祭統所謂親疏之殺是也兼此數條而序昭穆之義備矣○序昭穆章句言子孫之序按祭統云夫祭有昭穆是故有事于太廟則羣昭羣穆咸在而不失其倫鄭注昭穆咸在同宗父子皆來是主子孫之昭穆言章句本此而李安溪謂序昭穆是序祖考之昭穆周柄中申之曰下序爵序事皆單舉一事獨此項槩言宗廟之禮而不言宗廟中之何禮宗廟之禮四字指廟制之東西與合食之南北言二說非是當從章句周氏又云昭穆之說有二有謂昭穆無定者陸佃云如周以王季爲昭文王爲穆武王爲昭成王爲穆康王爲昭昭王爲穆其後穆王入祔王季當遷則文王自右而左居昭位武王自左而右居穆位成康與昭以次互移而後穆王得祔焉所謂無定昭穆也有謂昭穆有定位者張璪云王季武王則常爲昭文王成王則常爲穆王季當遷則武王自左而上据王季之位文王當遷則成王自右而上据文王之位各不相亂朱子亦云昭祔遷昭而穆不動穆祔遷穆而昭不移此謂有定位之昭穆也二說不同當從朱子且此皆祖考之昭穆非子孫之昭穆中庸序昭穆自以朱子章句子孫之序爲正

## 序爵考

**括**特牲賈疏云天子諸侯祭祀其位無文以公有司門西北面東上私臣門西北面西上推之同姓無爵

者在阼階前西面北上卿西階前東面北上大夫門東北面西上士門西北面東上旅食在其後又少牢下篇衆賓

位在門東既獻在西階西南衆賓繼上賓而南天子諸侯之賓位當依此江氏慎修據此謂天子之祭爵尊者序立于西階前東面北上假令周公爲冢宰太公爲太師周公當在太公之上若有二王後來助祭則二王後又在周公之上其爵卑者始位在門東西而北面既得獻乃移位于西階南而東面俗說不知爵中兼同姓又不知面位有不同今正之江氏何以知爵中兼同姓以賈疏云同姓無爵者在阼階則同姓有爵者在西階可知其他序爵之事周柄中云見祭統者三條戶飲五君洗玉爵獻卿戶飲七以瑤爵獻大夫戶飲九以散爵獻士及羣有司一也戶謾君與卿四人飲君起大夫六人飲大夫起士八人飲凡飲之道每變以衆二也凡爲俎者以骨爲主骨有貴賤殷人貴爵周人貴肩凡前貴于後是故貴者取貴骨賤者取賤骨三也按此專言卿大夫士朱子章句兼外公侯言最賅括經註集證曰序爵兼王臣及助祭諸侯言王臣卿大夫士諸侯公侯伯子男禮祭統戶飲五君洗玉爵獻卿云云此指王臣言書武成丁未祀于周廟邦甸侯衛駿奔走執豆籩此指外諸侯言章句公侯卿大夫句約舉而兩賅之禮文王世子云公族在宗廟之中以爵爲位崇德也此又專主公族言又按毛大可駁章句兼公侯之說曰大饗助祭除開國遷都與新王卽位公侯總不能至安得以常祭及之此說大非諸侯春朝夏宗秋覲冬遇各闢一時之祭分方而至豈竟無助祭者周柄中嘗辨之矣

## 序事考

**括**章句云事宗祝有司之職事經註集證曰宗如宗伯宗人之屬祝太祝小祝也有司如司尊彝司几筵之屬春官小宗伯掌四時祭祀之序事與其禮禮文王世子篇公族在宗廟之中宗人授事以爵以官又云宗人授事以官尊賢也中庸輯畧云玉幣交神明也裸鬯求神于幽也故天地不裸則玉幣尊于鬯也故太宰贊之鬯則大宗伯蒞祭司徒奉牛宗伯奉雞司馬奉羊司寇奉犬司空奉豕甸師共粢盛及蕭茅果蓏籩人掌籩之實醯人掌豆之實酒正共五齊三酒醯人共五齊七菹鬱人共秬鬯鬯人其好羞遂人共野牲澤虞共野蔬川衡共川物太史辨職事之位次小史叙昭穆之俎簋太宰牀滌濯小宗伯省牲大司樂縣樂器祭之日雞人夜晦旦以灑百官巾車鳴鈴以應雞人司烜共明水明燭天府陳寶器守祔以服授尸太宰贊幣贊玉几玉爵大宗伯蒞鬯奉玉壺小宰贊祔將太

僕贊牲事御僕相盥而登俎肆師表案盛告潔展器陳告備舍人共籩簋烹人共太羹鉶羹司尊彝詔酌獻太祝掌祝及號小祝贊奠及徹司士掌賜爵其王后之職事內宰贊后裸獻九殽贊后薦籩豆內宗贊后薦加籩加豆外宗贊后薦羞齋世婦詔后禮節內小臣徹后之俎皆序事也先王量德授位因能授職此序事所以辨賢也事兼君之事后之事賢兼大賢小賢故曰序曰辨若如毛大可所云宗祝有司但執官役安辨賢否必如太宰贊玉幣宗伯省牲鑊以五等爵中取其有公孤六卿諸官職者爲之則古之受大爵祿者皆大賢何謂辨乎況古祭祀最重宗祝宗以相主人祝以相尸故特牲禮先獻祝而後獻賓先獻宗人而後獻兄弟弟毛氏以爲非助祭之人亦非

**旅酬考** 四書質疑曰旅酬之禮詳於東陽許氏之說及特牲饋食禮朱子但以無算爵言之殊爲疎略今錄之東陽許氏曰凡祭必立戶必擇賓賓一人衆賓無數衆賓者賓之黨也其位在堂下西階之西祭則子孫兄弟咸會小宗祭則兄弟偕來大宗祭則一族皆至兄弟者主人之黨也其位在堂下阼階之東有司羣執事皆北面而立迎戶既入主人初獻主婦亞獻賓三獻及戶主兄弟各相獻酢畢然後行旅酬凡主人酌酒奉戶賓者謂之獻戶賓酌以答主人者謂之酢主人酌酒先自飲再酌以獻賓者謂之酬先自飲謂引導之飲也旅衆也主人舉觶酌酒自西階酬賓主先自飲再酌以進賓受之奠而未飲兄弟之子舉觶於長兄弟於阼階弟子者兄弟之後生也長兄弟者兄弟之最尊者也弟子導飲而長兄弟亦奠而未飲賓取所奠觶於阼階酌長兄弟長兄弟於西階前酬賓衆兄弟及賓交錯以偏執事者無不偏卒飲者入爵於筐此旅酬之大畧也又賓弟子及兄弟之子各舉觶於其長亦先自飲如旅酬所謂下爲上也賓取觶酬兄弟弟子先舉觶於長兄弟如主人酬賓儀弟子奠於薦南長兄弟奠於薦北至旅酬長兄弟酬賓所舉奠觶卽上弟子舉觶於其長者則此爲薦北之奠觶也據此旅酬時長兄弟用弟子之觶賓自用主人之觶賓弟子不與焉至無算爵賓弟子兄弟弟子方各舉觶於其長是旅酬與無算爵本兩節事而朱註統言之蓋必兼賓弟子之舉觶於其長而後逮賤之義乃備也然特牲饋食士之祭禮耳想亦因天子諸侯祭禮無可考證故援此以見其概

下爲上考

**燕毛考** 楊文來曰三獻後主人獻賓賓酢主人復獻衆賓禴乃又酌酬賓是惟酬賓一人而於衆賓則止有

獻酢而已主人因獻長兄弟如賓儀獻衆兄弟如衆賓儀獻內兄弟於房中如獻衆兄弟儀更爵酢是皆止有獻酢而無酬也長兄弟視賓例應酬而主人未之酬故旅酬之先兄弟弟子舉觶於長兄弟如主人酬賓儀賓尊故主人自酬長兄弟親故兄弟弟子代主人酬義各有取也此解下爲上主於酬酒而以下爲弟子上爲主人胡應麟曰賓主獻酬之後凡與飲之人皆得行酬謂之旅酬獻酬之酬舉觶起于主人旅酬之酬舉觶起于賤者以賤者行主人之事故謂之下爲上此解下爲上重在舉觶而以下爲弟子上爲主人與楊說同任鈞臺曰此時長賓有奠觶主不酬長兄弟長兄弟無莫觶無以相酬故弟子舉觶然後行旅此解下爲上重在代長舉觶以上三說皆通又孔穎達曰旅酬時使卑者舉觶于其長卑下者先飲是下者爲上賤者在先此解下爲上主于卑幼先飲爲讀如字言下者反爲上也蔡虛齋曰舉觶非就是勸其長飲酒只是洗盞更酌而歸于其長其長則將此觶往勸他人飲耳此解下爲上主於代長斟酒以上二說不可從

**燕毛考** 天子之於同姓有時燕有因祭而燕文王世子族食世降一等此時燕也中庸燕毛因祭而燕也毛西河謂祭畢安有燕此祭畢行賜爵禮爲祭統十倫之第九倫所謂長幼有序者周柄中辨之曰詩行葦篇朱子謂祭畢而燕父兄耆老之詩尚書大傳云宗室有事族人皆俟終日大宗已俟於賓奠然後燕私燕私者何也祭已而與族人飲楚茨詩鄭箋云祭祀畢歸賓客之俎同姓則留與之燕儀禮特牲饋食禮徹庶羞于西序下鄭注爲將以燕飲此非祭畢有燕之明證乎祭統之賜爵卽周禮司士所云凡祭祀及賜爵呼昭穆而進之者此旅酬中事孔疏謂旅酬時賜助祭者爵是也毛西河以之當燕毛謬甚全謝山辨之曰西河以燕毛序齒兼異姓言蓋誤讀祭統而爲此說祭統戶飲五而後君以瑤爵獻卿戶飲七而後君以玉爵獻大夫戶飲九而後君以散爵獻士及羣有司皆以由是加爵旣畢則行旅酬外諸侯亦與矣然而皆兼有異姓則總之非燕私之禮是也曹氏寅谷曰余謂此乃祭統十倫之第四倫明尊卑之等非序長幼西河所主是第九倫凡賜爵昭爲一穆爲一昭與昭齒穆與穆齒凡羣有司

四書圖

卷三

春秋宗廟兩節

皆以齒此之謂長幼有序賈公彥云賜爵謂祭未旅酬無算爵時陳祥道云宗廟之中授事則以爵而賜爵則以齒蓋授事主義而行於旅酬之前賜爵主恩而行於旅酬之後此時不惟昭穆以齒并衆賓及執事之同爵者亦以齒西河見宗廟禮次燕毛於旅酬遂謂在獻爵加爵致爵酬爵無算爵之後又行賜爵一禮以序長幼爲燕毛而又爲之說曰賜是錫予此又名燕者以任其歡燕如大雅鳬鷺直以儻尸名燕飲者是不知公尸來燕是明日釋祭之事據鄭康成郊特牲注祐之禮宜於廟門外之西室釋又於其堂是與祭畢而燕之燕在寢者固判然兩禮儻尸雖有燕名亦非燕毛之禮祭統賜爵並未名燕也賜爵兼祠異姓而燕毛則止及同姓先王於同姓有時燕有因祭而燕楚茨之詩所云諸父兄弟備言燕私者因祭而燕也且燕卽有異姓亦非卽賜爵禮文王世子曰若公與族燕則異姓爲賓膳宰爲主人行葦詩祭畢燕父兄而曰序賓以賢序賓以不侮所謂異姓之賓也蓋君與同姓無賓之之禮故燕族之賓不以同姓而以異姓但助祭之賓皆出則此異姓乃姑姊妹女子子之夫所謂父之族四者非外諸侯之爲賓者也三獻禮成則賓出故曰異姓至讓而止同姓則成之異姓出則無賓無賓則亦不用膳宰爲主人而君自主之所謂曾孫維主也其樂無算其爵無算厭厭衣飲不醉無歸詩曰在宗載考考成也所謂同姓則成之也是則自有燕毛一禮以來鄭孔注疏無一不主親親之說而章句因之西河乃欲以一人之私言起而更定之不自知其謬也按燕見于經者多矣伐木燕朋友有馳燕羣臣而非廟中之燕鹿鳴魚麗燕賓客湛露桑扈燕諸侯蓼蕭燕諸侯而示慈惠彤弓燕諸侯而錫有功周官掌客待諸侯之來朝者上公三燕侯伯再燕子男壹燕儀禮聘禮公于賓燕無常數大射亦行燕禮而非同姓之燕常棣燕兄弟頌弁燕兄弟親戚而非序齒之燕大雅行葦燕父兄耆老周官司儀王燕則諸侯毛而非廟中祭畢之燕中庸燕毛乃祭畢領胙子異姓獨留同姓于寢以序人倫親骨肉蓋此時皇尸旣送神保聿歸惟此諸父兄弟備言燕私共享或嘒或歌之樂由是樂具入奏以緩後祿羣有既醉既飽之歡不序爵亦不序事專以昭穆序長幼昭穆同則皤皤種種與頌白在上蒼蒼星星之黎首居下蓋以螽斯麟趾皆與先王有髮膚之愛毛裏之恩故卽以附於體膚者別之也

春秋宗廟兩節考

按春秋節祖廟兼羣廟太廟宗廟節專指太廟兩節皆兼時祭時祿大祿大禘言之舊說春秋

節指時祭宗廟節指祿祭非是又謂兩節並指祿祭亦非是爲時祭之說者如以脩廟陳器設衣薦食爲時祭之禮豈時祭然而祿祿反不然羣廟然而太廟反不然卽謂春秋包舉四時明指時祭而祿祿豈出四時之外其說都緣悞以上節爲專屬羣廟而不知其兼指太廟耳苟知兼羣廟太廟則羣廟有時祭太廟有時祭祿祿不待辨而自明矣爲兩節俱祿祭之說者如以脩廟辨昭穆等事獨行於祿祭則未聞有司所脩天府所藏守祧所掌庖宰等所供專爲祿祭設也亦未聞序昭穆序爵序事旅酬燕毛僅爲祿祭備也其失都緣以兩節爲並指太廟而不知上節兼指羣廟又不知太廟中尙有時祭祿祭耳要知上節兼有羣廟四時之祭兩節太廟更有祿祭與四時之祭羣廟之時祭與祭者比祿祿簡略太廟之時祭與祭亦與祿祭不特祿祭而已若依舊說上節指時祭則脫漏太廟之祿祿謂兩節並指祿祭則下節脫漏時祭祿祭上節脫漏羣廟何也羣廟不得有祿祭也要之衆論多歧總由忽略章句其解上節云祖廟天子七謂羣廟六太廟一也豈非兼羣廟太廟邪解下節云有事於太廟豈非專指太廟邪羣廟有時祭太廟有時祭時祿大祿大禘豈非兩節俱兼時祭祿祿邪○時講敬其所尊應春秋節愛其所親應宗廟節似是而實非章句云結上兩節謂總結非謂分結也春秋節敬所尊而所親在其中宗廟節愛所親而所尊在其中

踐位考 祭統曰君純冕立于阼夫人副禪立于東房天子諸侯有左右房夫人禮器曰君在阼夫人在房大明生于東月生于西此陰陽之分夫婦之位也春官司几筵凡大朝覲設莞筵紛純加繅席畫純席于戶內席于戶時設席于戶外特牲饋食篇筵日筮尸主人門外西面宿尸宿賓主人門外東面視濯主人卽位于門東卽門外主人揖賓入卽位于堂下阼階東如外位卽門外祭日夙興主人服如初立于門外東房視側殺宗人告有司具主人入卽位如初阼階東自此主人及祝與佐食陳設陰厭後迎尸正祭又獻尸獻賓獻衆賓又於堂下設尊酬賓酬長兄弟獻姑姊妹及宗婦事畢皆云復其位卽復阼面之又少牢饋食篇云將祭主人朝服卽位于阼階東西面又曲禮上篇云踐阼臨祭祀內事曰孝王某祭器篇廟堂之下君在阼據此則主祭之位有一筮日筮尸宿尸宿賓則位于廟門之外揖賓以後諸禮則位于堂下阼階東

西面天子與諸侯大夫士大段相同此所謂位卽指廟門外之位及阼階東西面位先王當日祭祖考時曾卽此位行禮故云踐其位也詩小雅孝孫徂位工祝祭告亦謂祭祀畢主人往阼階下西面位立祝傳尸意告利成于主人也

行禮考 禮卽指上宗廟之禮數項及一切裸獻升降之節言先王若爲天子亦必行是禮故云行其禮也裸獻詳灌

奏樂考 春官大司樂曰分樂而序之乃奏夷則歌小呂舞大濩以享先妣乃奏無射歌夾鍾舞大武以享先祖凡樂黃鍾爲宮大呂爲角大簇爲徵應鍾爲羽路鼓路鼗陰竹之管龍門之琴瑟九德之歌九磬之舞于宗廟之中奏之若樂九變則人鬼可得而禮矣王出入則令奏王夏戶出入則令奏肆夏牲出入則令奏昭夏帥國子而舞又凡樂事大祭祀宿縣祭統曰聲莫重於升歌舞莫重於武宿夜曲名白虎通曰八佾者何謂也佾者列也以八八爲行樂記曰聖人作爲鼗鼓柷柷籥此六者德音之音也然後鐘磬竽瑟以和之干戚羽狄以舞之此所以祭先王之廟也禮器曰廟堂之上罍尊在阼犧尊在西廟堂之下縣鼓在西應鼓在東君西酌議象夫人東酌罍尊禮交動乎上樂交應乎下和之至也小雅曰籥舞笙鼓樂旣和奏烝衍烈祖以治百禮祭統曰及入舞君執干戚就舞位君爲東上冕而總干率其羣臣以樂皇尸是故天子之祭也與天下樂之諸侯之祭也與竟內樂之周頌曰有瞽有瞽在周之庭設業設虞崇牙樹羽應田縣鼓鞞磬柷圉旣備乃奏簫管備舉又曰鐘鼓喤喤磬筦將將按樂指今日享先王之樂先王若爲天子亦必奏是樂故云奏其樂也

祭神考 按論語祭神孔安國舊註曰祭百神正義曰百神謂宗廟之外皆是誤矣孟子百神享之舜典徧于羣神大雅靡神不舉周頌懷柔百神皆謂天子之祭祭法曰有天下者祭百神雖諸侯不敢干況大夫邪孔子爲魯大夫曲禮王制曰大夫祭五祀則所祭乃五祀之神也祭法曰大夫立三祀則所祭乃三祀之神也三祀謂族厲也門也行也五祀卽月令所云春祀戶夏祀竈中央祀中雷秋祀門冬祀行也若論天子諸侯大夫之差等似以祭法天子七祀諸侯五祀大夫三祀爲是不然據祭法諸侯五祀之文則大夫五祀是僭君也據月令天子亦只五祀則大夫

不與祭考 禮書附錄曰按儀禮特牲饋食之禮不諱日鄭注云時至事暇可以祭賈疏云若祭時至有事不得暇則不可以私廢公故也按桓八年經書正月己卯烝烝者何冬祭也春日祠夏日祔秋日嘗冬日烝常事不書此何以書諱亟也亟則黷黷則不敬君子之祭也敬而不黷疏則怠怠則忘士不及茲四者則冬不裘夏不葛何休云禮本下爲士制四者士有公事不得及茲四時祭者則不敢美其衣服若然則士不暇不得祭又不得使人攝矣若諸侯有朝會之事則不得使人攝王制云諸侯祔則不禘禘則不嘗嘗則不烝烝則不祔鄭注諸侯歲朝廢一時祭又明堂位云是故夏祔秋嘗冬烝鄭注云不言春祠魯在東方王東巡狩以春故闕之是諸侯朝會不得攝以諸侯禮大故也君有病故則得使人攝祭祭統云君子之祭也必身親蒞之有故則使人可也雖使人也君不失其義者君明其義故也若大夫時至惟有喪故不祭自餘吉事皆不廢祭若有公事及病使人攝祭故論語孔子云吾不與祭如不祭註云孔子或出或病不自親祭使攝者爲之不致肅敬於心與不祭同據此則孔子是時爲大夫方得使人攝也

疏食菜羹瓜祭考 按孔安國舊註曰三物雖薄祭之必敬邢昺疏曰祭謂祭先也案玉藻云唯水漿不祭又云瓜祭上環知此三者雖薄亦祭先是瓜如字也不知瓜亦菜也菜包得瓜字故陸氏謂魯論瓜作必朱子集註因之稍梁則祭先農菜羹則祭先圃不忘其所自也

君祭先飯考 鄭註曰於君祭則先飯矣若爲君餚食然邢疏曰曲禮云主人延客祭註云祭祭先也君子有事不忘本也君子不忘本者有德必酬之故得食則種種出少許置在豆閒之地以報先代造食之人也若敵客則得先

自祭降等之客則後祭若臣侍君而賜之食則不祭若賜食而君以客禮待之則得祭雖得祭又先須君命之祭後乃敢祭也此言君祭先飯則是非客之禮也故不祭而先飯若爲君嘗食然也按邢疏謂君祭先飯則是非客之禮非也江氏慎修曰此是君以客禮待之者故代宰夫嘗食客之則已當祭此不言者或是君未有命或是記者略之若非客之則有宰夫嘗食夫子不得先飯矣

祝考 按趙鹿泉云祝鯀治宗廟所取於祝鯀之才者自非以其佞蓋古嚴祭祀其儀鄭重皆掌於宗祝故太祝居六太之一其所掌贊詔賓相出入始終最爲難稱非惟祝冊一事鯀必有獨嫓其任者若專信以佞爲才豈謂鬼神亦好佞乎殊非立言之體此說極好蓋尸祭有九太祝辨之祝號有六太祝辨之其相尸也延其出入詔其坐作其求神也直祭祝于主索祭祝于祊且辨九拜以教敬自非嫓其任者不能也

禱考 說文云告事求福曰禱禱雨爲雩禱晴爲雩按祭法去祧爲壇去壇爲墳有禱焉祭之左傳鐵之戰衛世子蒯瞶禱於皇祖烈祖文祖曰無作三祖羞周禮太祝作六辭五曰禱小宗伯大戎及執事禱祠于上下神祇禱不獨見于誄也卽因疾病而禱者有之左傳夷王愆於厥身諸侯莫不並走其望以祈王身士喪禮記疾病乃行禱於五祀是也然楚昭有疾自知河崇非所獲罪晉景有疾荀罃不禱桑林中智以上猶能知之況行於孔子乎或曰金縢所載武王有疾弗豫周公命祝冊以告三王獨非聖人禱疾乎曰此臣愛君之至誠又當別論故孔子之不禱聖人之立命也子路之請禱賢者之發乎至情也

誄考 集註考證曰古本論語作謳說文所引是也其作誄者則哀死而述行以謳之之辭音同而義不同毛晃增韻謳與誄同孔融曰誄禱篇名說文累其事以求禱也禮檀弓魯莊公及宋人戰于乘邱縣貢父死之公誄之士之有誄自此始也曾子問賤不誄貴幼不誄長惟天子稱天以誄之諸侯相誄非禮也註云誄之爲言累也累舉其生平實行若今之行狀也又曰凡作謳者先刊其生平之實行故爲誄太史大妾遺之日讀誄小史卿大夫之喪賜謳讀誄

饗考 按饗有數義廣韻云饗牲血塗器祭也凡饗廟饗門與夾室饗名器皆是牲血塗之孟子饗鐘正此義據雜記大戴禮皆云饗廟以羊饗門夾室以雞饗器以豕豬則齊宣以牛饗鐘非禮也又按春官鬯人注饗讀爲徽饗尸以鬯酒使之香美賈疏云讀爲徽者以徽爲莊飾義也或曰饗之爲言熏也齊語管仲比至三饗三浴之注云以香塗身也春官女巫掌歲時祓除饗浴注云以香薰草藥沐浴也後二說與饗鐘義異

儺考 禮書附錄曰秦氏蕙田云易曰精氣爲物游魂爲變故知鬼神之情狀幽明之故聖人通之故有儺神禮以驅疫焉疫者四時不正之氣邪鬼或憑之以爲厲鬼神之有邪正猶人之有君子小人也神之正直者不畏人鬼之奇邪者陰氣之慝以陽剛之氣攝之則游散而不爲害亦其理也周禮所載狂夫之狀雖近於誕然豈非所謂知鬼神之形狀者乎樂書曰三代而上有公厲族厲暴厲之祭至周而用方相氏夏官序官方相氏狂夫四人鄭氏謂方相猶放想可畏怖之貌王厚齋謂古人聖君範圍於上賢相燮理於下是謂天地之良醫皇建有極五福錫民莫不壽考儺所以存愛民之意而已夫惟元衣朱裳執戈揚盾以索室驅疫如東京賦云方相秉鉞巫覡操劖者可也而秋惟天子儺季冬則下及庶人故云大儺然則鄉黨亦於十二月民庶得儺而言也郊特牲鄉人楊孔子朝服立於必蒙熊皮黃金四目則怪誕而可駭矣禮緯云顙頷有三子亡去而爲疫鬼固不足信春官占夢季冬遂令始儺驅疫注令方相氏也儺謂執兵以有儺郤也譙周論語註儺郤之也以葦矢射之本此月令孔疏言季春惟國儺仲秋惟天子儺季冬則下及庶人故云大儺然則鄉黨亦於十二月民庶得儺而言也郊特牲鄉人楊孔子朝服立於阼室神也注楊強鬼也謂時儺索室驅疫逐強鬼也楊或爲獻或爲儺孔氏謂鄉人驅逐強鬼孔子恐廟神有驚身著朝服存安廟室之神所以朝服者朝服以祭故用朝服以依神也馬氏晞孟曰孔子聖人德合於神明矣非俟索室而去其不祥然必從鄉人之儺者不違衆以立異也邱氏濬曰雖以孔子之聖亦從鄉人之所行蓋有此禮也若無此禮聖人豈苟於同俗者哉

旌涇縣雙桂齋湯鼎臣鑄

四書朝聘圖考序

昔先王以賓禮親邦國而朝聘之禮行焉天子當寧而立諸公東面諸侯西面曰朝天子當依而立諸侯北面曰覲先朝後覲原非二禮如不在朝覲之常期則時見目會衆頗曰同其禮亦同於朝覲而皆以朝統之夫朝以考禮卽聘以達情大行人掌聘事如天子聘諸侯則歲偏存三歲偏頗五歲偏省是也諸侯聘天子則時聘以結諸侯之好殷頗聘以除邦國之慝是也此王朝之大典也諸侯之臣亦自朝其君所以明君臣之義也諸侯自相朝所謂世相朝是也諸侯自相聘所謂歲相問聘殷相聘是也聘有使卿使大夫之殊有享禮私覲之事而皆以聘統之夫諸侯之臣自朝其君諸侯之臣奉君命聘於鄰國與爲擴以接鄰國來聘之賓則鄉黨載孔子事獨詳入公門一章記朝儀也先入庫門庫門內有外朝之位江慎修謂外朝在庫門外非是非有大故君不常御次入雉門雉門內有治朝之位治朝有庭無堂君朝服以日視朝於此過位一節言朝畢而過治朝之位也次入路門路門內有堂上有內朝之位亦曰燕朝亦曰路寢之朝所謂君退適路寢而聽政正在此堂上之位也如君不聽政不命臣入臣不過位升堂如君命臣入臣必過位升堂告嘉謨於君既告而降階復堂下之位孔子爲大夫其位在堂下北面以待綸音亦俟羣臣出乃從路門以出也位在堂下北面以待綸音亦俟羣臣出乃從路門以出也鞠躬如不容不中門不履闌總記入庫雉路三門之容也色勃足蹠言似不足過位之容也過位以前何不書正朝之容以踧踖與與正朝之容已見於第二節故此畧之也攝齊鞠躬屏氣升堂之容也而升堂以前入門就堂下位有儀升堂以後北面書思對命又有儀何以不書儀之常者不記且可由升堂之儀推之也逞顏色怡怡降階之容也翼如沒階趨之容也踧踖如復位之容也蓋朝君之儀備於此章矣○君召使擴一章記鄰國朝聘孔子爲君擴相也執圭一章記孔子聘於鄰國也合觀此兩章而聘禮備矣執圭節入鄰國太祖廟行聘之容也未入廟以前有陳擴傳辭之事揖與立節是也執圭入廟揖讓升堂致命致命時有上擴向賓釋辭事趨進翼如正向賓釋辭之容也旣釋辭主君受玉答拜而聘事畢由是旣聘而享旣享而覲旣覲擴出請事賓告事畢公出再拜送有賓退賓不顧之事賓退必復命節正此時事故曰合觀兩章而聘禮備矣此猶大槩說也是編所載備極詳細如未聘之前享覲之後尚有許多事皆補足之自識

目錄

朝聘總畧

春秋朝聘無常

宣州太平縣杜炳雲嚴氏學

男梓材校

朝聘總畧

天子五門三朝

天子外朝

諸侯三門三朝

雉門在庫門內

外朝在雉門外

諸侯宮寢朝廟社

繅藉

朝覲

六賚

六瑞

過位升堂出降沒階復位

入公門全章

公門帳闈闕

不中門不履闕

聘禮經文

夕幣

使者受命

致館設飧

請事迎賓

揖所與立

左右手

迎賓入廟每門每曲揖

執圭

趨進

享禮

禮賓

私觀

賓退賓不顧

歸饔餼

享禮用

賓問卿

還玉

六幣享禮用

琢圭璋璧琮

享禮用

請事迎賓

聘禮總畧

聘禮總畧

朝聘總畧

葉文康公曰太宰以禮待賓客之治而朝覲宗遇會同之名則詳於宗伯宗伯既以賓禮親邦國而朝覲宗遇會同之制則詳於行人其禮籍則掌於小行人其擯相則掌於司儀其傳達則掌於行夫其牢醴則掌於掌客其守衛則有環人其送迎則有掌訏其結好則有掌友大宗伯曰以賓禮親邦國大行人亦曰掌賓客之禮以親諸侯蓋禮之以賓則燦然有文以相接待之以親則懽然有恩以相愛易之比曰先王以建萬國親諸侯蓋謂是也然考之宗伯春曰朝夏曰宗秋曰覲冬曰遇大行人曰春朝而圖天下之事秋覲而比邦國之功夏宗以陳天下之謨冬遇以協諸侯之慮春爲圖事則覲於秋者無事可圖乎夏爲陳謨則遇於冬者無謨可陳乎不知周人胡爲如是分別也至於時見曰會則諸侯以有事而會非常朝也行人曰時會以發四方之禁是也殷見曰同則諸侯以王不巡狩之歲而盡來朝亦非常朝也行人曰殷同以施天下之政是也會同之義固無可疑朝宗觀遇之名若是分則何耶夫春

朝者非專春秋朝覲者非專春秋覲圖事者非專圖事比功者非專比功通四時皆然不然則書言巢伯來朝是南方來朝也豈必東方春朝而言圖事乎詩稱韓侯入覲是北方入覲也豈必西方秋覲而言比功乎諸侯見王固有六禮而天子所以待諸侯者於賓禮則有時聘曰問殷頫曰視更以饗燕之禮親四方之賓客以賑膳之禮親兄弟之國以賀慶之禮親異姓之國又見於嘉禮之中以荒禮哀凶札以弔禮哀禍戒以禫禮哀圍敗以恤禮哀寇亂又見於凶禮之中行人亦曰時聘以結諸侯之好殷頫以除邦國之慝又曰閒問以諭志歸脹以交福賀慶以贊喜致禱以補災掌於宗伯者既如彼其詳掌於行人者復如此之厚其恩意豈不至哉不特此爾一歲偏存三歲偏頫五歲徧省七歲諭言語協辭令九歲諭書名聽聲音十有一歲達瑞節同度量修法則十有一歲王巡守殷國觀此則王之所以撫諸侯尤詳於諸侯之朝王也周官曰六年五服一朝又六年王乃時巡此亦言其大槩爾六年之間諸侯之朝王者多矣豈特如衛服五歲一見哉十有二年之內王之親諸侯者詳矣豈特十二年而方一巡守殷國哉王撫諸侯之禮如是邦國之相交也先王亦爲制其禮大行人曰凡諸侯之邦交歲相問也殷相聘也世相朝也司儀曰諸公諸侯伯子男之相爲賓則有禮謂相朝也諸公諸侯伯子男之臣相爲國客則有禮謂相聘也蓋先王建國必使小大相維使小國事大國大國比小國於是乎有相聘相問相朝之禮雖曰講信修睦親仁善鄰而實考禮正刑一德以尊於天子也自親邦國之禮廢而尊王之意不存自恤邦國之禮廢而親諸侯之意寢自侯邦相交之禮廢而與國之意又睽春秋二百四十二年書諸侯之朝於魯者三十有四而魯之朝王所者僅兩書而已書天子來聘於魯者八賜魯者三歸脹者一而魯之聘問歸脹者曾不一見也魯秉周禮且如此他可知也

春秋朝聘無常臧氏訛齋曰秋官大行人凡諸侯之邦交殷相聘世相朝維時諸侯以道義合無不懋乃攸績睦乃四鄰以蕃王室以和兄弟拜恭苗而雨其常嘗比兄弟而朞無使吠譬諸臭味焉敢差池是以我無爾詐爾無我虞從未有狡焉思啓而傾焉翦滅者乃自春秋諸侯合于勢利小役大弱役強小國恃大國之安靖已而乃包藏禍心以圖之聘而獻物於是又有庭實旅百朝而獻功於是又有嘉淑采章悉索敝賦以會時事犧牲玉帛待於二境奉冠帶祠春秋居大國之間而從於強令以待强者而庇民焉所以謀其不免也乃猶思傾覆其社稷蕩搖其邊疆虔劉

四書圖考

卷四

天子五門三朝

二

其邊陲干戈擾攘無日休息或索貨而徵牢或求田而爭貢心傷蠶食狗既瘞而噬人力肆鯨吞鹿或鋌而走險雖

有朝聘何足恃哉

天子五門三朝考 朱子曰王宮之外門五一曰皋門

二曰庫門三曰雉門鄭康成以雉門在庫門內而設兩觀四曰應門五曰

路門又曰畢門亦曰虎門其朝在雉門之外者爲外朝在路門之

外者曰治朝路寢之庭曰內朝又曰燕朝曲禮天子當宁而立諸公東面諸侯西面曰朝孔穎達疏云凡天子三朝

其一在路門內謂之燕朝大僕掌之文王世子云公族

朝於內朝內親也此則王與宗人圖其嘉事及王退俟

大夫之朝也其二是路門外之朝謂之治朝司士掌之

此是每日視朝之位其王與諸侯賓射亦與治朝同故

射人云三公北面孤東面卿大夫西面諸侯在朝則皆

北面不云士者註云此與諸侯射士不與也其三是皋

門之內庫門之外當作庫門之外謂之外朝朝士掌之此


是詢衆庶之朝也按謂外朝在皋門內庫門外康成朝

士註之誤說見下○外朝內朝又通稱文王世子其在

外朝實治則以官孔疏云此對路寢庭朝內爲外朝若

對庫門外當作朝士所掌三槐九棘之朝外則此路門

外朝朝亦爲內朝也



天子外朝考 秋官小司寇掌外朝之政以致萬民而

諸侯三門三朝考

按諸侯三門庫門內曰雉門雉門

內曰路門無皋應二門詩曰廼立皋門廼立應門明堂

位曰魯庫門天子皋門雉門天子應門言擬其形制耳

書言王出在應門之內檀弓曰魯莊公之喪既葬而經

不入庫門郊特牲譏繹於庫門家語言衛有庫門春秋

書魯雉門災左傳云齊晏子立於虎門路門之外諸書皆


無言諸侯有皋應二門者鄭註云諸侯宮門外曰皋門

朝門曰應門誤矣至於三朝內朝在路門內君視內朝

有四一爲與宗人圖嘉事文王世子公族朝於內朝鄭

云以宗族事會是也一爲與羣臣燕飲燕禮所言是也

朝三門三侯諸



一爲君臣有謀議臣有所進言則治事畢復視內朝鄉黨所記是也聘禮君與卿圖事遂命使者亦是在內朝也一是羣臣以元端服夕見亦是有事謀議也四事之外則君與四方之賓燕亦在寢非朝禮又或臣燕見於君士相見禮所謂君在堂升見無方階辨君所在亦非朝禮孔子侍坐侍食對問政對儒行皆是燕見時也皆在內朝也治朝

有四一爲與宗人圖嘉事文王世子公族朝於內朝鄭


云以宗族事會是也一爲與羣臣燕飲燕禮所言是也

四書圖考

明傳

諸侯三門三朝

卷四



一名正朝在路門外雉門內玉藻曰諸侯朝服以日視朝於內朝謂治朝也對雉門之外謂之內朝言故以治朝爲內朝應門君日出而視之禮器曰有以小爲貴者諸侯視朝大夫特八人旅之共一孔子之君在踐吉月朝服而朝皆在治朝也外朝在雉門之外庫門之內詢萬民必於此定八年衛靈公朝國人問叛晉哀元年陳懷公朝國人謂欲與楚欲與吳詢國危也太王屬者老而告詢國遷也僖十五年晉陰飴甥言朝國人曰孤辱社稷其卜貳圉詢立君也皆在外朝也

雉門在庫門內考 按鄭司農謂王有五門外曰皋門二雉門三庫門四應門五路門以雉門在庫門外非是陳氏祥道禮書曰月令母出九門先儒謂天子外門四關門遠近郊門國門也內門五皋庫雉應路也則雉門在庫門之內矣禮書又云皋庫應路之著於經者詩以天子之禮追太王之事明堂位以魯公之門取天子之制皆稱皋門應門又書康王之誥周禮考工記爾雅互稱應門路門郊特牲王聽誓命曰庫門之內戒百官也惟雉門不見於經然周禮闈人掌中門之禁則中門豈雉門歟雉門謂之中門猶應門書謂之南門爾雅謂之正門路門書謂之卑門師氏謂之虎門蓋中於五門謂之中門前於路門謂之南門發政以應物謂之應門畢於此謂之畢門畫虎於此謂之虎門禮書諸侯三門外四門與天子同內三門則庫雉路則諸侯之雉門在庫門之內無疑

外朝在雉門外考 天子之外朝有三槐九棘見秋官朝士職外朝在庫門內雉門外以鄭康成小司寇註爲正諸侯外朝當亦在庫門內雉門外特未必有三槐九棘耳而江慎修鄉黨圖考誤從康成朝士註謂天子外朝在庫門外諸侯外朝倣此引晉語絳富商韋藩木棟過於朝以證之謂凡民可以車往來如其說是謂諸侯外朝在街市上由此理乎蓋庫門內有朝故以過庫門爲過於朝也四書過字有指實者荷賈之過真是身歷其門楚狂之過豈非親接其輿有活看者大禹過其門如果足曾近戶奚必矯情而不入其家孔子過沮溺如果言可聞聲何至使由而自執其輿可見去經歷之處不甚遠亦謂過矣豈得以富商過朝證外朝在庫門之外乎春秋傳閔二年季友將生卜人曰閒於兩社爲公室輔兩社者周社毫社也賈疏引此事云兩社在大門之外蓋大門謂庫門中門謂雉門也而大門之內外朝之位在焉外朝之右邊有周社外朝之左邊有毫社然則閒於兩社者謂周社毫社之間也周社毫社之閒卽外朝也外朝在庫門之內雉門之外此其確證也謹遵儀禮義疏 御案曰鄭康成小司寇註以外朝在雉門之外朝士註又疑外朝在庫門之外皋門之內蓋因雉門外有宗廟社稷故疑不得置外朝不知外朝爲致民五詢之地雉門爲人民觀法之區則外朝當在雉門之外

四書圖考


卷四

諸侯宮寢朝廟社

朝覲 聞會

四

諸侯宮寢朝廟社總圖





會同考 周官義疏 御案時會殷同大宗伯大行人旣並言之而諸職中言會同者非一公西氏言志亦云如會同可見人多禮盛不僅如尋常朝覲而已會同則爲壇于國外如司儀職所云合諸侯令爲壇三成觀禮所云諸侯覲于天子爲宮方三百步者是也按之鄉師牛人縣師遣人稍人廩人司市賈師諸官會同則有徒役輦牛車任器委積之共衆庶之作糧食之備賣價之市而大祝職言大會同過名山大川用事焉則

會同似不專在近畿國外者意發禁施政所行者遠則於侯國封壤擇一都會之地以爲會同之所而王者適焉蓋亦有之會同二者對文則別合言則通故諸官皆連言會同也○又小司馬職小會同掌事如大司馬之法意四方之方伯連帥率諸侯畢會則爲會同之大者若止一方則爲會同之小者與○又旣以壇爲會同之所則在壇而將幣卽朝覲也將幣必執玉執玉重禮不可再爲之賈疏謂旣朝而後之壇非也

大圭






六瑞



四書圖考

周易

六瑞



五


卷四

冒鎮圭考 周官義疏 御案玉人云天子執冒四寸以朝諸侯注云名玉日冒者言德能覆蓋天下也四寸者方以尊接卑以小爲貴也又考工記玉人鎮圭尺二寸天子守之又曰天子圭中必注以四鎮山爲瑑飾也必繩以組約其中央備失墜也雜記贊大行圭皆刻上左右各半寸又聶氏崇義曰以五采組約之也寶儀曰公侯以下圭璋皆有絢組陳氏祥道曰或曰鎮圭猶天府所謂玉鎮非四鎮山之謂是亦一說也

桓圭信圭躬圭穀璧蒲璧考 周官義疏 御案大宗伯以玉作六瑞以等邦國鎮圭之外此五玉卽五等諸侯所執者虞書所輯之五瑞也公執桓圭侯執信圭伯執躬圭子執穀璧男執蒲璧周禮疏桓若屋之桓楹桓宮室之象所以安其上也雙植謂之桓柱之豎者豎之則有兩稜也桓圭蓋以桓爲瑑飾長九寸信圭躬圭皆長七寸與桓圭皆博三寸厚半寸剗上左右各半寸周禮注云信當作身皆象以人形爲瑑飾欲其慎行保身陸氏佃不取其說特謂信圭直躬圭屈耳信伸也伯次於侯故少屈焉又周禮注云穀所以養人蒲爲席所以安人以穀蒲爲瑑飾皆徑五寸不執圭者未成國也大宗伯云七命賜國子男五命故云未成國也

大圭 繅藉	五采五就		綯組	下纁
	上纁	五采		
大圭	行	行	行	行
繅藉	行	行	行	行
元黃朱蒼	行	行	行	行
朱黃白蒼	行	行	行	行
元黃朱蒼	行	行	行	行
朱黃白蒼	行	行	行	行
元黃朱蒼	行	行	行	行
朱黃白蒼	行	行	行	行
元黃朱蒼	行	行	行	行
朱黃白蒼	行	行	行	行

圭執鎮圭以朝日考工記玉人云大圭長三尺杼上終葵首天子服之注云王所搢大圭也杼綱也終葵椎也齊人謂椎爲終葵爲椎杼上明無所屈也比他圭最長故得大圭之名以其搢于衣帶之間同于衣服故以服言之又據禮器大圭不琢是無緣飾也○又典瑞大圭鎮圭繅藉五寸博三寸繅三采六等朱白蒼間諸侯朱綠繅八寸皆元纁繫長尺綯組雜記贊大行圭公九寸其藻三采六等曲禮疏載熊氏曰五采五就者采別二行爲一就故五就三采三就及二采二就並如之二采一就者采則別惟一行共爲一就知然者雜記及聘禮記三采六等則知天子諸侯采別爲二等也又據左傳藻卒孔疏云凡五采者元黃朱白蒼則鎮圭之繅十有二寸其畫韋之法元二行黃二行白二行朱二行蒼二行如是爲一就又稍間之再畫元二行以下皆如前至五匝而中間四間之是爲五采五就畫皆橫韋板如王之長聘禮所謂垂繅屈繅者據綯組爲垂屈耳蓋圭與繅相連者有組執圭而拖其組是爲垂繅以韋板藉圭屈其組是爲屈繅韋板兩旁有繫上元下纁無事則以繫玉有事則解而垂之其制如此大圭以搢而大宗伯乃合大圭鎮圭言則防失墜之義同也餘制畧同



故不多贊

繅藉總考 儀禮義疏

御案王搢大圭執鎮圭繅皆五采五就公執桓圭侯執信圭伯執躬圭繅皆三采三


就子執穀璧男執蒲璧繅皆二采再就繅讀曰藻賈釋云藻水草之文故讀從之言繅有五采文所以薦玉木爲中幹用韋衣而畫之木廣袤各如其玉之大小穀璧蒲璧其繅藉之形亦如之如天子鎮圭尺二寸廣三寸卽此木板亦長尺二寸廣三寸與玉同然後用韋衣之乃於韋上畫之餘倣此一采爲一帀五采則五帀一帀爲一就就成也是采一色者也○聘禮記云絢組尺注云五采成文曰絢不論尊卑皆用五采組長尺以爲繅無事則以繫玉使不墜有事則垂之以爲飾

贊考 周官義疏

御案大宗伯以龠作六擊以等諸臣孤執皮帛卿執羔大夫執厲士執雉庶人執鷺工商執雞注以皮爲虎豹皮帛爲黑色繪據士昏用束帛儻皮皮以鹿則此帛亦束皮則異耳陳氏祥道曰帛有衣被之仁皮有炳蔚之文故孤執之羔有跪乳之禮有羣而不黨之義故卿執之進必以時行必以序者鷺也故大夫執之

交有時別有倫被文以相質死分而不變者雉也故士執之可畜而不敢遷者鷩也故庶人執之可畜而不違時者雞也故工商執之

雞也故工商執之



公門考 按考工記曰路門不容乘車之五个乘車廣六尺六寸五个共廣三丈三尺言不容者兩門乃容之也又曰應門二轍三个一轍之廣八尺三个二丈四尺也此言路應兩門而其餘可推言天子之門而諸侯之門亦可推

柵闔考 出註 按爾雅釋宮曰柵謂之樸郭璞註云門兩旁木也又曰檻謂之杙在牆者謂之樺在地者謂之臬

闔門者今城門有之禮器圖說曰闔乃中央所豎短木常

郭璞註云臬門槩也朱子曰柵如今哀頭相似闔當中

穢門者今城門有之禮器圖說曰闔乃中央所豎短木常

郭璞註云臬門槩也朱子曰柵如今哀頭相似闔當中



設而不動○柵自易曉闔則合參諸說曰在地曰當中穢門城門有之曰中央短木常設不動則形制可知依此圖之

闔考

按闔說文曰門柵也僖二十二左傳曰婦人送迎不出門見兄弟不踰闔前漢王莽傳曰思不出乎門闔註

竝云門柵也禮玉藻曰賓入不中門不履闔鄉黨不履闔註並云門限也爾雅釋宮曰柵謂之闔郭璞孫炎亦並云門限惟邢昺疏曰謂門下橫木爲內外之限較明暢又邢昺論語疏曰出入不得踰闔門限所以爾者一則自高二則不淨竝爲不敬 玉藻公事自闔西私事自闔東注云公事聘享私事覲面疏云自闔西用賓禮自闔東從臣禮也

主君辭仍出門入闔西可知孔子本國臣入公門是由闔東玉藻賓入不中門疏云不中門稍東近闔可知孔子本國臣不中門是稍西近闔



入公門立不中門行不履闔考 鄉黨圖考曰公門先入庫門次入雉門曲禮大夫士出入君門由闔右注云臣統於君是君臣出入皆由闔東惟賓客由闔西有謂入以東爲右出以西爲右者非也立不中門亦謂東屏之當中陳介眉曰門兩屏屏兩旁各有木謂之柵當兩屏之合處又樹一木以當屏常設而不動謂之闔因有闔則凡出入不能當兩屏之中只就一屏內取中是在柵闔之間矣君出入則就柵闔之間取中而行臣不敢當中只靠邊行立 按朱子曰古人常闔左屏所謂中門者謂右屏之中門也雙峯饒氏云君出入皆由左出以東屏爲左入以西屏爲左臣出入君門皆由右出以闔西爲右入以闔東爲右然雖由右亦不敢正當柵闔之中但挨闔旁而行蓋避君出入處也行既不敢當中則立亦不可當中故立不中門說約駁之曰據朱子語類君臣出入俱由右屏一邊饒說誤夫以兩屏分左右卽闔右本有定處何必活看汪武曹亦云門以向堂爲正自外而言東屏實爲右西屏則爲左君出入恒由右屏則固就東屏而言右屏左屏此東彼西原有定所如饒氏說是謂左右屏無定所矣宜爲說約所駁又按玉藻闔月則闔門左屏立于其中此天子闔月聽朔之禮也君入門介拂闔大夫中柵與闔之間士介拂柵此言兩君相見之時也賓入不中門不履闔公事自闔西私事自闔東此言鄰國來聘之卿大夫也皆非不中門正解故集註不引惟燕禮卿大夫皆入門右註云凡入門而右由闔東疏云由闔東者是臣朝君之法可爲論語不中門之證

寧考 出註

按爾雅門屏之間謂之寧郭璞註云人君視朝所立處邢昺疏云路門之外屏樹之內人君視朝停

過立升堂占降設譬夏立

立之處因名爲寧曲禮曰天子當寧而立諸公東面諸侯西面曰朝孔疏云天子受朝於路門外之朝治路門外有屏卽樹塞門是也江慎修曰宁有二齊風俟我於著俟我於庭俟我於堂著卽宁此是有堂之屋以門內兩塾間爲宁一是門屏之間爲宁此路門外視正朝治人君所立處近路門屏設於雉門屏在雉門內路門之外屏之內宁位在其間其實宁近門而遠屏不正當門屏之中間也蓋人君所立位之南羣臣甚多故宜去屏遠邢氏謂路門之外屏對之內得之告卒治云王門內兩塾間之音不可以之解爾桂之言也

**堂階** 禮器曰有以高爲貴者天子之堂九尺諸侯七尺大夫五尺士三尺疏云此周制也考工記曰殷人重屋堂崇三尺鄭差之云夏高一尺故知此九尺者周制也考工記曰周人明堂度九尺之筵堂崇一筵註云周堂高九尺殷三尺則夏一尺矣士冠禮曰降三等受爵弁注云下至地疏云天子之堂九尺賈馬以爲階九等諸侯堂七尺階七等大夫五尺階五等士三尺階三等魯魯之堂當七尺階七等三朝惟路寢內朝亦有堂君在堂上當南面臣有言或君有命當升西階而造君前降亦西階士相見禮云君在堂升見無方階辨君所在謂君在東則升東階在西則升西階此燕見之法非正朝之法

此燕之法非正朝之法

又則上曰衣下曰裳散則可通故此云摶衣謂提挈裳前使去地一尺

**復其位考** 按復其位魏何晏集註曰孔曰來時所過位邢疏云復至其來時所過之位是指路門外治朝之虛位也何屺瞻曰周禮匠人內有九室九嬪居之外有九室九卿朝焉鄭註外路門之表九室如今朝堂諸曹治事處復立宮王是上指名制、下指實制也

位當在寃是指路門外治朝下九室之位也又舊說曰周禮朝士掌外朝之法左九棘孤卿大夫位焉孔子爲魯司寇攝相事其位當在是是指雉門外外朝之班位也今細玩書旨上三說並誤蓋鄉黨復其位連上沒階趨以爲文

固降階卽是不得退而遠在雉門外并不得退而在路門外江氏憲修曰大僕職王視燕朝則前正位孔子爲司寇在五大夫之中其位當在中庭路門內堂北面無事不升堂或君而命或可所居

北面之位俟羣臣出乃出也此說得之

子朝君始入庫門經外朝而入雉門雉門內門路屏之間入公門全章考  
天子三朝諸侯亦有三朝由外而  
治朝之位在焉君立于宁子與上大夫下大夫朝君與與

君攝羣臣退適路寢之路門內朝聽政而治朝之位虛如入外朝治朝燕朝是也以天子言之周禮和官小司空

遷三日詢立君其位王南鄉三公及州長百姓北面羣臣西面羣吏東面小司寇擯以叙進而問焉以衆輔志

而弊謀又朝士掌建邦外朝之法左九棘孤卿大夫位  
南

焉羣士在其後右九棘公侯子男位焉羣吏在其後  
面三槐三公位焉州長衆庶在其後左嘉石平罷民焉

君命召于子子適庭位入距門就堂北面之位升堂嘉謨旣告由堂而出降設階趨復堂下北面之位右肺石達窮民焉此外朝之制也天官太宰王眡治朝則費德台夏禹司士王明義之位辨其貴賤之等王南卿三公北面東上孤東面北上卿大夫西面北上王族故十

貞贊驅治夏官司士正輶僕之任辨其貴賤之等三司士正  
在路門之右南面東上太僕太右大僕從者在路門之左南面西上司士擯孤卿特揖大夫以其等旅揖士旁三揖

王還揖門左揖門右又太僕掌正王之服位出入王之大命王眠朝則前正位而退乃亦如之外天官宰夫之職掌治朝之法以正王及三公六卿大夫羣吏之位掌其禁令此治朝之制也夏官太僕王眠燕朝則正位掌撥相文王

世子公族朝于公內朝則東面北上臣有貴者以齒又云公族朝于內朝內親也雖有貴者以齒明父子也此燕朝之制也天子外朝在車門內推門外台明在應門內路門外內朝在路門內以諸侯之三朝言之外朝亦在庫門內

之制也天子外朝在庫門內知門外酒車不居門內路門外雉門外江氏鄉黨圖考謂外朝在庫門外非是謂治朝在雉門內路門外內朝卽燕在路門內極是鄉黨圖考又云

朱子語類路寢庭在路門之裏議政事則在此朝鄉黨過位升堂正是內朝議政時事每日常朝王但立于寢門門外與羣臣相揖而已揖羣臣就位王便入既入寢門則此位治朝之位虛矣又云治朝無堂觀司士路門左路門右之位

可見聘禮使者夕幣于朝時管人布幕于寢門外君朝服出門左亦可見路門外是平地無堂也退適路寢則君位

盧君更視內朝羣臣皆入故有過位之事又云蕭何二言歸日  
自子言同之  
用書  
入公門全章

觀宋子言跋門

卷四

四書圖考

卷四

聘禮次序 聘禮總畧

八

朝王圖宗人嘉事者舉一隅耳非惟宗人得入而異姓之臣不得入也升堂必攝齊者禮器云天子之堂九尺諸侯之堂七尺大夫五尺士三尺因諸侯堂高七尺恐躡齊而失容也齊訓衣下縫當兼裳而言觀曲禮注齊裳下緝也孔安國曰衣下曰齊玉藻凡侍於君垂紳足如履齊深衣下齊如權衡以應平可見集註兩手摶衣使去地尺蓋用曲禮將卽席容毋作兩手摶衣去齊尺之文所以必去地尺者階之級數如堂之尺數每級率高一尺故升堂必摶衣離地一尺乃不至于履蹠也復其位句舊注云復位是復其外朝之班位周禮朝士掌外朝之法左九棘孤卿大夫位焉孔子爲司寇攝相事其位當在是何屺瞻駁之曰周禮匠人內有九室九嬪居之外有九室九卿朝焉鄭注外路門之表九室如今朝堂諸曹治事處則九室列在治朝之庭下本文復其位連上沒階趨以爲文固降階卽是則復位當卽在是今按何氏謂復位不在外朝固當但謂復位在治朝庭下官府治事處亦未的路門內有諸臣序立處鄉黨圖考云孔子爲司寇在五大夫之中其位當在中庭北面復其位者復中庭北面之位俟羣臣出乃出也其言出降一等退而下堂卽謂之出非出門之出也其論最是

聘禮次序 按聘禮節次甚繁不及備載今依次第約載圖說于左聘禮君卿圖事遂命使者戒上介及衆介于是宰書幣而夕幣之禮行焉故夕幣圖居先既夕幣使者受命故受命圖次之既受命往主國主國卿致館宰夫設殯故致館設殯圖又次之明日將行聘賓適庫門外之次上摷請事于賓主國陳摷傳辭必揖故揖所與立圖又次之傳辭畢主君迎賓至廟門主君先入揖迎賓故迎賓入廟圖又次之賓由是執圭王入廟門三揖三讓升西楹西致命上摷由中庭趨進阼階西釋辭賓授玉圭主君受玉此正行聘事也故執圭聘趨進二圖又次之既聘行享故享禮圖又次之既享主君禮賓故禮賓圖又次之既禮賓乃行覲故私覲圖又次之覲畢主君送賓問大夫勞賓勞介賓退主君再拜送賓不顧故送賓賓不顧圖又次之賓既退就館主國歸饔餼故饋饔餼圖又次之明日賓致禮于卿故賓問卿圖又次之其後主君使卿還玉故以還玉圖終焉

聘禮總畧 諸侯聘鄰國必擇有道之國而聘之有專聘一國者有歷聘諸國者考聘禮侯伯大聘使卿爲賓大夫一人爲上介其次介末介四人皆士爲之既選聘人乃具幣物於大國則隆於小國則殺使臣受命辭受圭

璋璧琮乃行過他國有假道之禮至主國謁關人關人告至君使士迎於境使卿出郊勞之遂以賓入乃致館卿館於大夫之廟大夫館於士之廟士館於工商之寢既就館主君備半醴饋之明日將行聘迎賓於館賓入於次外主君在庫門內陳摷以待之介紹而傳命揖所與立傳命畢君迎賓庫門內東行每門每曲揖賓至廟門外主君在門內揖之先入立中庭上摷者惟賓執圭主人三辭王然後納賓賓襲而執圭由闔西入至庭間與君三揖階下三讓升堂西楹西致命君左還北鄉在此時上摷禮進當權再拜賓乃授玉君側襲受玉賓出○次行享禮賓裼衣奉束帛加璧亦由闔西入揖讓如初庭實用虎豹皮四士介執之無皮則以乘馬代其餘金龜竹箭等物與凡土宜之類悉列於地謂之庭實旅百是時賓發氣盈容主君乃拜受幣賓出主君請禮賓微几改筵主君自迎賓入拜送醴邊豆脯醢悉具贈以束帛禮成賓出○賓乃私覲賓先以臣禮見奉束帛總乘馬由闔東入北面奠幣再拜稽首出摷者辭再以客禮見先陳庭實賓奉幣由闔西入揖讓如聘享升堂授幣降再拜稽首送幣君辭乃升成拜降出如舒鴈之容上介衆介亦私覲其幣物各有差覲畢賓介就館主君使卿饋饔餼於賓使大夫饋饔餼於上介使宰夫饋饔餼於衆介皆再拜稽首受之明日賓乃賚其君之幣問主國之三卿其大夫嘗至己國者則上介問之卿大夫各朝服拜受於已之廟賓復以其幣行私面於卿上介衆介各行私面於卿復面其大夫之有舊者主國卿大夫各以幣凡所具幣物皆享時所用聘時不過以圭璋伸敬而已故他物可受而圭璋不可受也

聘禮經文 聘享禮儀禮聘禮君與卿圖事命使者戒上介司馬戒衆介宰書幣命宰夫官具以上命宰具幣及期夕幣官陳幣史讀書宰執書告備具於君授使者受書授上介公揖入官載其幣舍于朝上介視載者所受書以行以上釋幣夕厥明釋幣于祠又釋幣于行遂受命上介釋幣亦如之以上上介及衆介俟于使者之門外使者戴旛紳以受命



于朝君揖使者進之上介立于其左接聞命賈人西面坐啓櫝取圭垂繅不起而授宰宰執圭垂繅自公左授使者受圭同面垂繅以受命既述命同面授上介受圭屈繅出授賈人衆介不從受享東帛加璧受夫人之聘璋享元纊東帛加琮皆如初以上受命遂行若過邦至於竟使次介假道以上假道未入竟壹肆爲壇壝畫階帷其北無宮朝服無主無執也介皆與北面西上習享士執庭實習夫人之聘享亦如之習公事不習私事以上習儀及竟張旗晉乃謁關人君使士請事遂以入竟入竟斂旛乃展賓朝服賈人北面坐拭圭遂執展之介北面視之退復位過圭陳皮北首西上又拭璧展之會諸其幣加于左皮上上介視之退馬則幕南北面奠幣于其前展夫人之聘享亦如之賈人告于上介上介告于賓有司展羣幣以告及郊又展如初及館展幣于賈人之館如初以上入竟三展幣賓至于近郊君使卿朝服用東帛勞夫人使下大夫勞以二竹簋方其實棗蒸栗擇下大夫勞者遂以賓入以上郊勞至于朝主人曰不腆先君之祧既拚以俟矣賓曰俟聞大夫帥至于館卿致館宰夫朝服設殮厥明訢賓于館賓皮弁聘至于朝賓入于次乃陳幣卿爲上搢大夫爲承搢士爲紹搢搢者出請事公皮弁迎賓于大門內大夫納賓賓入門左公再拜賓辟不答拜公揖入每門每曲揖及廟門公揖入立于中庭賓立接西塾几筵既設搢者出請命賈人東面坐啓櫝取圭垂繅不起而授上介不襲執圭屈繅授賓賓襲執搢者入告出辭玉納賓賓入門左介皆入門左北面西上三揖至于階三讓公升二等賓升西楹西東西面搢者退中庭賓致命公左還北鄉搢者進公當相再拜賓三退負序公側襲受玉于中堂與東楹之間搢者退負東塾而立賓降介逆出賓出公側授宰玉褐降立以上聘搢者出請賓褐士受皮者自後右客賓出當之坐攝之公側授宰幣皮如入右首而東以上聘于夫人用璋享用琮如初禮若有言則以東帛如享禮搢者出請事賓告事畢以上聘享夫賓奉東錦以請覲搢者入告出辭請賓禮賓觀奉東錦總乘馬二人贊入門右北面奠幣再拜稽首搢者辭賓出搢者坐取幣出有司二人牽馬以從出門西面于東塾南搢者請受賓禮辭聽命牽馬右之入設賓奉幣入門左介皆入門左西上公揖讓如初升公北面再拜賓三退反還負序振幣進授當東楹北面士受馬者自前還牽者後適其右受牽馬者

自前西乃出賓降階東拜送君辭拜也君降一等辭搢者曰寡君從子雖將拜起也栗階升公西鄉賓階上再拜稽首公少退賓降出公側授宰幣馬出以上賓親公降立搢者出請上介奉東錦士介四人皆奉玉錦東請覲搢者入告出許上介奉幣儂皮二人贊介人門右搢者出請賓告事畢搢者入告公出送賓及大門內公問君賓對公再拜公問大夫賓對公勞賓賓再拜稽首公答拜公勞介介皆再拜稽首公答拜賓出公再拜送賓不顧賓請有事于大夫公禮辭許以上送賓賓卽館卿大夫勞賓賓不見大夫莫屬再拜上介受勞上介亦如之君使卿韋弁歸襄饋五牢上介請事賓朝服禮辭有司入陳賓皮弁迎大夫於外門外再拜大夫不答拜揖入及廟門賓揖入大夫奉東帛入三揖皆行至于階讓大夫先升一等賓從升堂北面聽命大夫東面致命賓降階西再拜稽首拜饋亦如之大夫辭升成拜受幣堂中西北面大夫降出賓降授老幣以上致命出迎大夫大夫禮辭許入揖讓如初賓升一等大夫從升堂庭賓設馬乘賓降堂受老東錦大夫止賓奉幣西面大夫東面賓致幣大夫對北面當楣再拜稽首受幣于楹間南面退東面俟賓再拜稽首送幣大夫降執左馬以出賓送于外門外再拜明日賓拜于朝拜饋與饋皆再拜稽首以上歸賓賓朝服問卿卿受于祖廟下大夫搢搢者出請事大夫朝服迎于外門外再拜賓不答拜揖大夫先入每門每曲揖及廟門大夫揖入搢者請命庭賓設四皮賓奉東帛入三揖皆行至于階讓賓升一等大夫從升堂北面聽命賓東面致命大夫降階西再拜稽首賓辭升成拜受幣堂中西北面賓降出大夫降授老幣以上賓面夕夫人使下大夫韋弁歸禮大夫以東帛致之賓如受饋之禮以上夫大夫餼賓賓迎再拜老牽牛以致之賓再拜稽首受老退賓再拜送以上大致饋公子賓壹食再饋燕與羞倣獻無常數以上主君饋食大夫于賓壹饋壹食以上大夫食饋君使卿皮弁還玉于館賓從請事賓面如覲幣賓奉幣庭賓從入門右大夫辭賓遂左庭賓設揖讓如初大夫升一等賓從之大夫西面賓稱面大夫對北面當楣再拜受幣于楹間南面退西面立賓當楣再拜送幣降出大夫降授老幣以上賓面夕夫人使下大夫韋弁歸禮大夫以東帛致之賓如受饋之禮以上夫大夫餼賓賓迎再拜老牽牛以致之賓再拜稽首受老退賓再拜送以上大致饋公子賓壹食再饋燕與羞倣獻無常數以上主君饋食大夫于賓壹饋壹食以上大夫食饋君使卿皮弁還玉于館賓從請命于朝公辭賓退以上賓賓三拜乘禽于朝訝聽之以上拜禮遂行舍于郊公使卿贈如覲幣受于舍門外如受勞

禮無擯大夫親贈如其面幣無擯士送至于竟以上贈送使者歸及郊請反命朝服載釐禳乃入乃入陳幣于朝公南鄉

卿進使者使者執圭垂繅北面反命以上反命

### 使者受命



**夕幣考 儀禮義疏聘禮** 御案此一節經言夕幣朱子經傳通解亦曰夕幣楊圖易之曰授使者幣今依朱子本攷氏說其北面東上則鄭說也臣禮當入門右燕禮大射其例也此使者受命亦當由東又賈人西面啟檻經不言其方據太宰之屬玉府有賈人八人此圭當以彼掌之又據朝士外朝之位卿大夫在左羣士在其後此宰幕南也

### 使者受命考 儀禮義疏聘禮

御案上夕幣君在門左此經無文敷氏謂君亦在門左是也使者俟命于雉門外本攷氏說其北面東上則鄭說也臣禮當入門右燕禮大射其例也此使者受命亦當由東又賈人西面啟檻經不言其方據太宰之屬玉府有賈人八人此圭當以彼掌之又據朝士外朝之位卿大夫在左羣士在其後此宰幕南也

### 在卿位賈人其屬又將授宰圭則當在卿位之後 經曰使者載釐帥以受命于朝鄭註云通帛爲釐載之者所以

表識其事也至於朝門外使者北面東上又曰賈人西面坐啟檻取圭垂繅不起而授宰註云賈人在官知物賈者繅所以藉圭也其或拜則奠于其上

### 致館設殮考 儀禮義疏聘禮

御案經致館者

卿設殮者宰夫本哉然二事自鄭注混而爲一楊氏惑於其說遂舉門外之致命及再拜稽首皆移於堂上載之又刪去宰夫設殮若卿所致爲設殮之命者誤也又

設殮楊圖卷鼎在兩階間逼近堂廉飪薪二字亦逼近階下則又誤矣又此堂上及西次之豆卽周官醢人朝

事之豆也朝事之豆其實韭菹醯醢昌本麋臘薺蕷菹醃茆菹麋臘自公食大夫禮注易茆菹麋臘爲葵菹蠅

芻茆菹麋臘自公食大夫禮注易茆菹麋臘爲葵菹蠅

節易混今以敷氏說參之據敷氏云三擯俱在門內惟

迎賓○此下三節經文本明白鄭注傳會周禮之文儀上擯出西面請事時賓出次東面因其請而親對之衆介則立于東南北面而已賓親對故無所謂旅擯也及

### 請事迎賓考 儀禮義疏聘禮

御案楊氏目是

圖曰擯出迎賓不幾以迎賓者之爲擯耶今改曰請事迎賓○此下三節經文本明白鄭注傳會周禮之文儀

節易混今以敷氏說參之據敷氏云三擯俱在門內惟


迎賓○此下三節經文本明白鄭注傳會周禮之文儀

禮記圖考

章句


請事迎賓

揖所與立




上揖入告公乃出中門東西於大門內迎之上揖乃納賓賓介以次入賓東面介北面西上揖入門右與承揖紹揖北面並立其說是也至公再拜賓不答而辟則皆經說也

揖所與立考 左右手 鄉黨圖考曰賓雖大夫當時亦用交揖傳命夫子爲大夫任承揖之位故傳命出揖左人則左其手傳命入揖右人則右其手至入廟乃揖上揖○司儀云及將幣旅揖三辭三辭者上揖以君命請事於賓賓對以君命臣來之意此一辭也主人辭不敢當而賓對此二辭也主人又固辭不敢當而賓又對此三辭也三辭訖乃許而納賓此不言三辭者文不具耳下文辭玉亦當三辭不言三辭者亦省文也司儀雖旅揖亦有三辭若鄉黨揖所與立左右手則爲交揖三辭邢疏云列揖介既竟主君就揖介求辭卽請求辭之法主人先傳求辭之言與上揖上揖以至次揖次揖以至末揖末揖傳與賓末介以次傳上至於賓賓答辭隨其來意又從上介傳而下至末介又傳與末揖末揖傳相次而上至於主人傳辭竟乃進迎賓至門



迎賓入廟考 每門每曲揖 儀禮義疏 御案每曲揖賈疏求每門之說而不得乃謂昭東穆西祖居中廟兩邊有牆中央通門祖廟以西隔牆有三闔門亦有三其說與每門之義彷彿相合然五廟無並立之理故朱子引江都集說以正之所謂古宗廟之制外爲都宮內各有寢廟別爲門垣太祖在北昭穆以次而南者是也蓋入大門北行折而東至廟必有垣以隔之垣有門是則所謂闔門也此入大門折而東則當有闔門折而北則當有都宮門入門或北或東或西以至於受聘之廟又有闔門廟門所謂每門每曲者如此聘禮先言先君之祧後又第言廟其說未詳今借禱廟以明之執圭考 儀禮義疏聘禮受玉 御案賈人東面在賓南賓東面當在賈人之北少東介在其間而鄭以爲北面受圭如其說則介將舍賓至賈人之南受圭而後可若謂介在賓與賈人之間而北面則賈人在後烏能受圭且賈人本坐授亦未嘗至介前授之不若敖氏介東面之說爲確也從之○又公入廟卽立于中庭及賓入門左經亦無公迎至門內之文敖氏所謂賓入門左而揖三分庭一在南而揖者公皆不能偕所能偕行偕揖者惟三分庭一在北之揖而已而經乃云三揖者

是賈疏所謂向賓揖之非更至內霤相近而揖敖氏所謂賓至中庭公乃與之偕行則前二揖皆公鄉賓遙揖之矣今依二說圖之○又一裼一襲皆俄頃事鄭氏以序坫之間隱處說未免太過今卽於拜及投玉處載之公降立中庭則注說也按論語執圭包咸曰爲君使聘問鄰國執持君之圭江慎修辨之曰大夫聘執璫圭周禮有明文君之圭非臣所執包氏謂執君之圭誤矣其意若曰臣所執之圭亦是君所有耳然疑於公桓侯信等圭矣集註偶失檢承其誤以諸侯命圭釋之命圭之文見考工記玉人是公執桓圭侯執信圭伯執躬圭封疏亦知諸侯所執圭璧皆朝於王及相朝所用其諸侯之臣聘天子及聘諸侯聘玉享玉降其君瑞一等故玉人云瑑圭璋八寸璧琮八寸以頻聘然不能辨包註之誤廣解執圭之禮引大宗伯之圭璧以亂之永樂時修大全又不知詳考亦仍其誤按朱子晚年修儀禮經傳通解引典瑞玉人文入聘禮篇則圭固有辨矣集註未及追改耳




趨進考 鄉黨圖考曰此夫子攝上攘廟中趨進相禮時始位負東塾賓升退至中庭北面賓致命君當楣北面將拜攘者從中庭趨進至阼階西向賓釋辭以相君也○聘禮公升二等賓升西楹西面攘者退中庭賓致命公左還北向攘者進公當楣再拜按廟中相禮上攘之事卿爲之孔子大夫而相禮攝相也夾谷之會孔子攝相此亦重其知禮而使攝故特記君召使攘趨進必有辭辭無常者不能記辭有常者不必記也左成五齊侯朝于晉將授玉郤克趨進曰此行也君爲婦人之笑辱也寡君未之敢任襄七衛孫文子來聘公登亦登叔孫穆子趨進曰諸侯之會寡君未嘗後衛君今吾子不後寡君寡君未知所過是趨進有辭確證按儀禮聘禮攘者辭玉後納賓賓入門左介皆入門左北面西上三揖至于階三讓公升二等賓升西楹西面攘者退中庭賓致命公左還北向攘者進公當楣再拜舊說趨進在賓入門左介皆入門左時大非當以鄉黨圖考之說正之其時賓已致命公已左還北鄉將拜攘者從中庭至阼階西有數十步不宜舒緩故趨且禮有以趨爲敬也

享禮考 儀禮義疏聘禮受享幣

御案款謂致命再拜受幣皆冒如初之文則公亦當在東楹之東賓亦在


西楹之西鄉公致之再拜亦當楣北面受幣亦四分兩楹間一在東也。經言皮如入右首而東教據士昏禮左首說謂右當作左其說是也今改左首而東云○陳幣注不言廟門外之方及賓立接西塾注乃以幣言之則幣在西塾之南也湯圖載之當門易之

享禮考 鄉黨圖考曰君旣迎賓於大門內東行每門每曲揖至太祖廟之門君揖入立中庭賓執圭主人三辭玉命乃授玉降出乃行享禮其儀如初○聘享用璧琮加束帛玉圓曰璧肉倍好璧孔曰好享君用璧加於束帛之上執之玉方曰琮享夫人用琮加於束帛之上執之帛十端爲束一端丈八尺廣二尺四寸上下各五卷三元二纁○儀禮享禮見上聘禮經文又聘禮記曰及享發氣焉盈容衆介北面踰焉鄭康成註云發氣舍氣也孔子之於享禮有容色踰容貌舒揚聘禮記曰凡庭實隨入左先皮馬相閒可也鄭註云隨入不竝行也閒猶代也土物有宜君子不以所無爲禮畜獸同類可以相代賈疏云當國有馬而無虎豹皮則用馬或有虎豹皮并有馬則以皮爲主而用皮也聘禮記曰多貨則傷於德幣美則沒禮鄭註云貨謂玉也君子於玉比德焉朝聘之禮以爲瑞節重禮也多之則是主於貨傷敗其爲德幣束帛也愛之斯欲衣食之君子之情也是以享用幣所以副忠信美之則是主於貨傷敗其爲德幣束帛也愛之斯欲衣食之君子爲之幣以其幣爲之禮鄭註云幣享幣也於大國則豐於小國則殺主國禮之如其豐殺謂賄用束紡禮用玉帛乘皮及贈之屬○按聘禮曰小聘曰問不享有獻不及夫人主人不筵凡不禮鄭註云記貶於聘所以爲小也獻私獻也賈疏云此論侯伯行小聘之事云不享者謂不以束帛加璧獻國所有云不禮者聘訖不以齊酒醴賓也鄉黨所記當是小聘小聘不享而有享何也江氏謂當時以玉帛爲禮而以之義不以加禮



享禮考 鄉黨圖考曰君旣迎賓於大門內東行每門每曲揖至太祖廟之門君揖入立中庭賓執圭主人三辭玉然後納賓賓入庭間與君三揖階下三讓升堂致命公拜命乃授玉降出乃行享禮其儀如初○聘享用璧琮加束帛玉圓曰璧肉倍好璧孔曰好享君用璧加於束帛之上執之玉方曰琮享夫人用琮加於束帛之上執之帛十端爲束一端丈八尺廣二尺四寸上下各五卷三元二纏○儀禮享禮見上聘禮經文又聘禮記曰及享發氣焉盈容

衆介北面踰焉鄭康成註云發氣舍氣也孔子之於享禮有容色踰容貌舒揚聘禮記曰凡庭實隨入左先皮馬相閒可也鄭註云隨入不竝行也閒猶代也土物有宜君子不以所無爲禮畜獸同類可以相代賈疏云當國有馬而無虎豹皮則用馬或有虎豹皮并有馬則以皮爲主而用皮也聘禮記曰多貨則傷於德幣美則沒禮鄭註云貨謂玉也君子於玉比德焉朝聘之禮以爲瑞節重禮也多之則是主於貨傷敗其爲德幣束帛也愛之斯欲衣食之君子之情也是以享用幣所以副忠信美之則是主於幣而禮之本意不見也秋官司儀曰凡諸侯之交各稱其邦而爲之幣以其幣爲之禮鄭註云幣享幣也於大國則豐於小國則殺主國禮之如其豐殺謂賄用束紝禮用玉帛乘皮及贈之屬○按聘禮曰小聘曰問不享有獻不及夫人主人不筵几不禮鄭注云記貶於聘所以爲小也獻私獻也賈疏云此論侯伯行小聘之事云不享者謂不以束帛加璧獻國所有云不禮者聘訖不以齊酒醴賓也鄉黨所記當是小聘小聘不享而有享何也江氏謂當時以玉帛爲豐殺之義不以束紝禮



故謂如初者亦三揖但不與鄉者同蓋據受玉言也彼  
經公在中庭故偕行偕揖者惟三分一在北之揖耳  
若此出迎賓則並入並揖前教氏三揖說得盡行故  
備載之○又公側受于序端並揖前教氏三揖說得盡行故  
東廂授之序端當西面據李氏如圭之論受醴也謂  
公不迎受故宰夫不面葉則公皆不迎受可知不迎  
受則當南面受也○又送醴受醴面鄉經俱無文教  
謂筵前西北面則賓亦筵前東南面迓受也馬在西  
方西上亦教氏說○又賓降辭降拜之方無文可考  
以下賓覲降階東拜送準之則西階東也○又公用  
幣經不言所自來據注云亦受于序端則亦宰授之  
也並補之○又攘者相幣經不言其所以受玉注攘  
者阼階西相拜說準之則與彼位同也告授凡亦如  
之賓當東楹北面受幣其爲楹之南北經未之詳教  
氏以爲楹北者蓋公當南面授幣楹南爲地無多且  
此節主賓授受多在楹北此亦無異也

四書圖考


明夷

禮賓

卷二

卷之三

設庭實之常法也。○經言公揖讓如初則卽入門右少進及三分庭一在南在北之揖與及階之讓也。經不言賓文省耳故並載之。○公北面再拜經不言其所以正聘準之則亦當揖也。其賓之西檻西東面亦準正聘載之。○上言三退負序此言三退反還負序則跬步之間有旋折矣。○放氏謂反西面而還東面其說是也從之。○上禮賓賓當東楹北面受幣經不言楹之南北放氏以爲楹北。說詳上禮賓圖以例此經則賓亦楹北北面授幣也。公之南面迓受亦從可知矣。



私覲考 鄭黨圖考曰賓先以臣禮見奉束錦總乘馬由門右入奠幣再拜稽首出擯者辭再以客禮見先陳庭實賓奉幣由門左入揖讓如聘享升堂授幣降再拜稽首送幣君辭乃升成拜降出如舒鷹之容。○儀禮私覲見上聘禮經文又聘禮記曰私覲愉愉焉出如舒鷹按鄭康成註曰愉愉容貌敬如舒鷹威儀自然而有行列舒鷹也賈公彥疏曰享時盈容對聘時儀貌戰色顏舒緩此私覲對享時又愉愉和敬舒於盈容也出廟之外行步如鷹又舒緩於愉愉也郊特牲曰朝覲大外交不敢貳君也鄭康成註曰其君親來其臣不敢私見主國君也以君命聘則有私見非其與君無別私覲是外交也賈公彥疏曰君親往鄰國朝覲大夫從君而行輒行私覲是非禮也周衰後而私設庭實私覲於主國之庭作記者譏之按此則鄉黨章私覲是以君命聘而有私覲禮之常經也東錦乘馬是公家物而曰私者對享而言享以達君之情覲以申己之情以私全公也且親之也。○聘禮曰小聘面不升鄭註云面猶覲也賈疏云面不升者謂私覲庭中受之不升堂此對大聘時升堂受若然不言私覲而言面者對大聘言覲故辟之而言面也今按鄉黨所記


夫之私覲非禮也大夫執圭而使所以申信也不敢私覲所以致敬也而庭實私覲何爲乎諸侯之庭爲人臣者無交也賈公彥疏曰君親往鄰國朝覲大夫從君而行輒行私覲是非禮也周衰後而私設庭實私覲於主國之庭作記者譏之按此則鄉黨章私覲是以君命聘而有私覲禮之常經也東錦乘馬是公家物而曰私者對享而言享以達君之情覲以申己之情以私全公也且親之也。○聘禮曰小聘面不升鄭註云面猶覲也賈疏云面不升者謂私覲庭中受之不升堂此對大聘時升堂受若然不言私覲而言面者對大聘言覲故辟之而言面也今按鄉黨所記

是小聘不曰私面何也當時謂之私覲也既曰覲則升堂受可知

賓退賓不顧考 按儀禮聘禮私覲後擯者出請事賓


告事畢公出送賓及大門內公勞賓賓再拜稽首公答拜公勞介介皆再拜稽首公答拜賓出公再拜送賓不顧註云君命上擯送賓出反告賓不顧於此君可以反路寢矣下卽引論語孔子事爲證可見論語賓退必復命正在此時儀禮但言賓不顧無命上擯送賓及擯者復命之文論語止言復命而不記君命送賓之事皆省文耳若非君有命何以言復命乎或又以爲當時擯者鄭注補君命上擯送一層爲復命二字張本趨進復命或不復命惟孔子必復命故特記之非也賓退前當照

皆孔子爲承擯而攝上擯事觀周禮司儀每門止一相及廟惟上相入可知




卷之三

歸饗餼考 儀禮義疏聘禮 御案堂夾及門  
外之饗其說已於上致殮圖詳之此饗筭壅之法注謂筭東西爲列列當醯醢南亦相變疏謂陳鼎南鄉醯醢夾碑亦南鄉則當以設鼎之法準之鼎有九有七有三而經謂之二列者蓋自南北視之則腥鼎爲二列飪鼎與陪鼎亦爲二列是南北爲列也疏既以鼎爲南鄉又以壅爲南鄉則壅之十以爲列者亦當南北爲列筭則東西爲列也南北爲列者自北而南直陳之東西爲列者自東而西橫陳之其列不同故百筥注謂之變也又經以百壅爲夾碑注以米筭在醯醢南則東西五十壅當各作五列每列十壅夾碑直陳之其出于碑南者無幾夫是之謂夾碑而米筥



賓問卿考 儀禮義疏聘禮 御案經言卿受于祖廟所謂每門每曲與正聘入門之節同故圖斷自廟門餘已詳前此不復贅○當及廟時大夫揖先入禮有主人先入待于門內雷者迨賓奉幣入門遂有三揖至階之文則偕行偕揖也偕揖則當有入門左揖三分庭一在南揖三分庭一在北揖蓋賓與主人並行之○經言大夫受幣于堂中西北面而不言授者之位圖作賓南面授者據以君命授人者例皆南面也大夫西面當楣者據下當楣再拜知之也大夫受覲幣南面賓北面者注說也

還玉考 儀禮義疏聘禮 御案經言大夫鉤楹賓則無文要知賓與大夫俱入堂深南面並受則亦與大夫並鉤楹可知賓鉤楹矣其由西而東必由大夫之後者以鄉射禮司馬鉤楹由上射後之節爲準也鉤楹之說有二賈疏謂由楹西鉤楹北敖氏謂由楹南鉤楹東今從敖氏說



通志

粵

賓問卿

卷之三

四書圖考

韋印


六幣

圭以馬


以六下幣




璋以皮



璧以帛




琮以錦



琥以繡



璜以黼




六幣考 享禮用 周官義疏


圭璋以頫聘則六玉皆瑑矣又制帛以束計十端爲束端長丈八尺所謂帛錦繡黼其數同也○注謂五等諸侯享天子用璧享后用琮其用各如其瑞皆有庭實以馬若皮用圭璋二王之後也二王後尊故用圭璋而特之其於諸侯亦用璧琮子男於諸侯則用琥璜下其瑞也凡二王後諸侯相享之玉大小各降其瑞據易氏祓云典瑞瑑圭璋

璧琮以頫聘則諸侯所通用安得曰二王後用圭璋又禮器曰琥璜爵未聞爲子男所專用經無明文不可臆說也並存之以備參


瑑圭



瑑璧



瑑琮



瑑圭璋璧琮考 享禮用 周官義疏

諸侯以享夫人行人合六幣圭以馬璋以皮璧以帛琮以錦琥璜以繡琥以黼此六物者以和諸侯之好故鄭康成曰五等諸侯享天子用璧享后用琮其大各如其瑞二王之後享用圭璋其於諸侯亦用璧琮耳子男於諸侯則享用琥璜下其瑞也凡二王後諸侯相享之玉大小各降其瑞一等及使卿大夫頫聘亦如之史記樂書曰情好珍善爲之瑑磨圭璧以通其意蓋玉有朝覲之玉有頫聘之玉言其所瑑桓躬信穀滿是也頫聘之玉言瑑而已瑑圭璋璧琮以頫聘是也若夫享獻之玉諸侯以享天子則不瑑玉人謂璧琮九寸諸侯以享天子是也諸侯以享夫人則瑑玉人謂瑑琮八寸諸侯以享夫人是也觀禮侯氏覲天子三享皆東帛加璧禮器曰束帛加璧尊德也郊特牲曰東帛加璧往德也夫諸侯相朝而享夫人以琮聘卿亦享夫人以琮則諸侯享后亦必以琮諸侯享王以璧聘卿享君亦以璧則諸侯相享亦必以璧玉人言璧琮以享天子則后舉矣言瑑琮享夫人則璧舉矣



則其節文也論語所言是大射儀其言升言下言飲凡三節則是大射儀三耦再射之禮按鄉射無次大射設次在堂下東南隅其始司射命三耦取弓矢于次司射入于次揖三挾一个出于次西面揖當階北面揖及階揖所謂堂下三揖也升堂揖當物北面揖及物揖所謂堂上三揖也射次在堂東故惟出次西面揖餘俱北面揖卒射北面揖及階揖降如升射此司射誘射之儀卒射揖如升時則前所揖處皆揖堂上下亦各三揖也其既司射適次作上耦射司射反位上耦出次西面揖進上射在左並行當階北面揖及階揖堂下之揖三土射先升三等下射從之中等上射升堂少左下射升上射揖並行皆當其物北面揖及物揖堂上之揖亦三卒射北面揖揖如升射上射降三等下射少右從之中等並行上射於左與升射者相左交于階前相揖二耦卒射亦如之此三耦初射之儀也特誘射教弟子以射儀未主于中故不去旌初射學司射之儀未主于勝負故未釋獲二者皆無飲射爵之禮由是請再射三耦取矢于福出次揖當福及福揖乘內還揖退與進者相左揖此諸揖皆在未射時及司射作射三耦自出次以至及階之揖禮帥初而堂下亦各三揖則以爲揖而升也有然卒射自出物以至及階三揖禮帥初而堂上亦各三揖則以爲揖而下也有然子是小臣師執中而獲者有左賢右賢之告也于是司官士奉贊而射者有執張執弛之命也于是勝者之弟子洗解僕人師繼酌射爵而升飲者有取解卒爵之文也小射正作升飲射爵者如作射一耦出揖如升射及階勝者先升升堂少右不勝者進北面坐取豐上之爵與少退立卒爵進坐奠于豐下與揖不勝者先降與升飲者相左交于階前相揖是卽一飲而升亦揖下亦揖則以爲揖而飲也有然由是適次釋弓射爵辨乃徹豐與爵而射儀以成總之儀禮誘射初射皆有升下而無飲論語兼飲言故斷以爲再射之禮凡射以讓爲容而讓以揖爲節自升而下而飲其揖也皆其讓也故子曰揖讓而升下而飲讀論語者當取大射儀文兼鄉射禮節參考之而得其說也

大射儀節次總畧 **按**第一章射前之儀凡六節一戒射二張侯三宿縣四設尊洗五設席六具饌。第二章燕禮正獻之儀凡六節一而位二賓入三主人獻賓四賓酢主人五主人獻公六主人酬賓。第三章旅酬之始凡三節一初媵爵二公初舉旅三主人獻卿。第四章旅酬之中凡三節一再媵爵二公再舉旅三主人獻大夫。第五章旅酬之終凡五節一賓媵爵二旅卿大夫三旅士四復射五獻庶子。第十三章禮成凡五節一旅卿大夫二旅士三微幕皆無算爵也四無算樂五賓出禮終

**請射** 大射儀曰司射適次袒決遂執弓挾乘天自阼階前日爲政司馬也言司馬請射遂告曰大夫與大夫士御於大夫不足則士侍于大夫與爲耦 **按**請射之後乃納射器畫物納射器畫物之後乃誓太史比三耦


**比耦** 大射儀曰司射西面誓之曰公射大侯大夫射參士射干射者非其侯中之不獲卑者與尊者爲耦不異侯太史許諾遂比三耦士三耦俟於次北面北上此未比司射命上射日某御於子命下射日子與某子射謂比卒足履物還視候中合足而俟乃射上射旣發挾矢而後下射射拾更發以將乘矢獲者坐而獲舉旌以宮偃旌以商取挾之以立於所設中之西南東面 **按**此第一圖是初射揖讓而升之事

**獲而未釋舍獲卒射** **按**此節是司馬誘射之事有升下而無飲揖讓而升

**初射** 大射儀曰司射作使上耦射上耦出次西面揖進上射在左並行當階北面揖及階揖上射先升三等下射從接踵不分左右故之中間上射至第三等上射升堂少左下射升上射揖並行皆當其物北面揖及物揖皆左上射升堂少左 **按**此第一圖是初射揖讓而升之事

**誘射** 大射儀曰司射入於次揖三挾一个出於次西面揖當階北面揖及階揖升堂揖當物北面揖及物揖由下物少退射三侯將乘矢始射干又射參大侯再發卒射北面揖及階揖降如升射之儀遂適堂西改取一个挾之遂足履物還視候中合足而俟乃射上射旣發挾矢而後下射射拾更發以將乘矢獲者坐而獲舉旌以宮偃旌以商取挾之以立於所設中之西南東面

**獲而未釋舍獲卒射** **按**此第一圖是初射揖讓而升之事



**初射** 大射儀曰卒射北面揖揖如升射上射降三等  
**揖讓而下**

下射少右從之中等並行上射于左與升射者相左交于階前相揖適次反位次中之位三當作二耦卒射亦如之

左交于階前之揖故於第二圖互見之初射下而反位  
之後尚有取矢設楉許多事方再射

請釋獲于公遂命釋獲者設中中都刻爲觀形所以盛算太史釋獲  
小臣師執中設之太史實八算于中橫委其餘于中西  
司射命曰中離維綱揚觸柵復公則釋獲衆則不與唯

公所中中三例皆獲可射視上射命曰不貫  
不釋釋獲者取中之八算改實八算乃射若中則釋獲者每  
个執一算上射于右下射于左三耦卒射

有相左交于階前之揖堂上堂下各三揖如初射再射後公射大夫射有取矢告獲許多事方飲不勝者

揖讓而飲 大射儀曰設豐于西楹西牓者之弟子洗  
觶升酌奠于豐上司射命三耦及衆射者勝者皆袒決  
遂執張弓不勝者皆襲說 脱決拾郤左手右加弛弓于


其上三耦及衆射者皆升飲射爵于西階上一耦出揖如升射及階勝者先升堂少右不勝者進北面坐取豐上之觶興立卒解坐奠於豐下興揖不勝者先降與升



飲者相左交于階前相揖適次反位三耦卒飲  
第三圖是再射飲不勝者卽揖讓而飲之事○飲卒次獻獲者之屬又次獻釋獲者又次三請射又次耦皆取

矢于幅又次三射  
以樂于公公許司射命樂正日命用樂樂正曰諾司射視  
尚若一狸首七節如一節太師許諾奏狸首以射三耦卒射公與

The diagram illustrates the 'Shi' (Archery Field) of the Zhou Dynasty. It features a large outer square with a smaller inner square inside. Various gates and paths are indicated by lines connecting the corners of the squares. The text below describes the specific areas and their associations.

飲 三 射  
王 卷 五





綱之綱各廣寸其餘七十弓五十弓準此而減其各侯去地尺寸之數及總高之數各有差等所謂見鵠於參見鵠於干也凡侯用布俱橫設古者布幅廣二尺二寸約以二寸爲縫故諸幅以二尺計大侯中一丈八尺宜用布九幅其舌及躬俱高二丈餘倣此此則諸圖之總式也大射用皮侯燕射用獸侯鄉射賓射用正侯各著其說於所圖之後舊圖隨侯著說所圖或旁加兩柱或上下多數層與經文注疏全不相符且廣狹不等名稱亦混茲特爲總圖依經義注疏及先儒所考正者分析標出使古制可核云

正鵠考 陳氏祥道禮書曰侯之別有三則大射賓射燕射之侯也士無大射而有賓射燕射庶人無賓射燕射特有主皮之射而已周官司裘於王共虎侯熊侯豹侯設其鵠諸侯共熊侯豹侯卿大夫共麋侯皆設其鵠此大射之侯也梓人所謂張皮侯而棲鵠則春以功是也射人以射法治射儀王射三侯五正諸侯射二侯三正孤卿大夫射一侯二正士射犴侯二正此賓射之侯也梓人所謂張五采之侯則遠國屬是也鄉射記曰凡侯天子熊侯白質諸侯麋侯赤質大夫布侯畫以虎豹士布侯畫以鹿豕此燕射之侯也梓人所謂張獸侯以息燕是也大射之侯用虎熊豹麋之皮飾其側而中又制皮以爲鵠賓射之侯亦虎熊豹麋之皮飾其側而中畫五采以爲正燕射之侯則畫熊麋虎豹鹿豕之形以象鵠此三射之別也然司裘諸侯熊侯豹侯則畿內諸侯大射之禮也畿外諸侯大侯參侯千侯故大射禮量人巾車張三侯大侯之崇見鵠於參見鵠於干干不及地武是也司裘不言犴侯以士無大射故也不言參侯以畿外非司裘所其故也射人言士犴侯二正則三侯之爲虎熊豹二侯之爲熊豹大夫之侯亦爲麋可知也蓋大射以鵠則猶賓射之有正也賓射有皮則猶大射之飾其側也大射側中皆皮故曰皮侯賓射側皮而中五采故曰五采之侯則司裘射人之三侯二侯一侯其側則同而所異者中而已鄭司農釋射人曰三侯熊虎豹二侯熊豹是也鄭康成曰三侯五正三正二正之侯二侯三正二正之侯一侯二正而已其說非也蓋王三侯皆五正諸侯二侯皆三正經言王五正康成謂有三正二正經言諸侯三正康成謂有二正可乎鵠取名于鵠鵠正取名于題肩皆鳥之捷黠難中者故以中爲雋焉其義則鵠者直也正也直已正志然後能中故記曰不失正鵠者其惟賢者乎鄭衆馬融王肅則以正在鵠內賈逵則以鵠在正內二者之說皆無所據要之大射之侯棲鵠賓射之侯

設正燕射之侯畫獸以象正鵠而已考工記梓人爲侯廣與崇方三分其廣鵠居一焉由是言之則賓射之侯亦三其廣正居一也蓋弓二寸以爲中虎侯九十弓則大侯中丈八尺鵠方六尺熊侯七十弓則侯中丈四尺鵠方四尺六寸有奇豹侯麋侯五十弓則侯中一丈鵠方三尺三寸有奇鄭衆馬融之徒以四尺曰鵠誤也


主皮之射考 禮書曰周禮鄉大夫以鄉射之禮五物詢衆庶有主皮之射鄉射記曰禮射不主皮主皮之射者勝者又射不勝者降鄭氏釋周禮曰庶民無射禮因田獵分禽則有主皮釋鄉射曰禮射大射賓射燕射也不主皮者貴其容體比於禮其節比於樂不待中爲雋也言不勝者降則不復升射也主皮者無侯張獸皮而射之主於獲也尚書大傳曰戰鬪不可不習故於蒐狩以閑之也閑之者貫之也貫之者習之也凡祭取餘獲陳於澤然後卿大夫相與射也中者雖不中也取不中者雖中也不取所以貴揖讓之取也而賤勇力之取嚮之取也於固中強力之取也今之取也於澤宮鄉大夫或用之以詢衆庶用之以詢衆庶在和以容之後則主皮之射與蓋主皮之射庶人之禮也鄉大夫或用之於澤宮鄉大夫或用之以詢衆庶用之以詢衆庶在和以容之後則主皮之射雖君子之所不廢亦非其所尚也晚周之時射尚主皮故孔子譏之曰爲力不同科古之道也○敖氏繼公曰禮射謂大射賓射燕射是也禮射則張皮侯若采侯與獸侯而畫正鵠主皮之射則不用正鵠無侯但欲射中其皮耳此皮與所爲皮侯者之皮不同蓋以中甲之革爲之周官云射甲革樂記云貫革之射皆指此而言也中甲之革犀兕若牛之皮也其爲物堅厚惟强有力者乃能貫之故禮射不主皮爲力不同科故也張氏爾岐曰不主皮當依論語作主于中而不主于貫革爲確○按論語講家因見儀禮鄉射記云射不主皮有指鄉射者固非或又謂大射之侯棲皮爲鵠不主皮專指大射言亦非是儀禮原文云禮射不主皮鄭註禮射謂以禮樂射也大射賓射燕射是已是禮字該舉大射賓射燕射而言也

貫革之射考 楊質 禮書曰司弓矢王弓弧弓以授射甲革楊質者弓人曰往體寡來體多謂之王弓之屬利射革與質禮記曰散軍而郊射左射狸首右射驕虞而貫革之射息也左傳曰楚使潘庭之黨與養由基蹲甲而射之穿七札焉鄭氏釋司弓矢曰甲革革甲也釋弓人曰革謂干盾齊語定三革韋注甲胄盾釋樂記曰貫革穿革甲也考之國語有三

草之制則射草非特甲也。○司弓矢澤共射櫨質之弓矢圉師射則充櫨質鄭氏曰質正也植櫨以爲射正射甲與櫨試弓習武也射義曰天子將祭必先習射於澤澤者所以擇士也射於澤而後射於射宮澤共櫨質之弓矢則射於射宮不用櫨質矣射櫨質必以王弓弧弓充櫨質必使圉師者蓋櫨質以強弓而後入國師以所習而使共也。○按貫革與主皮不同周禮所謂主皮田獵之射也樂記所謂貫革軍旅之射也主皮者張獸皮射之貫革則周禮司弓矢射甲革櫨質是也。


貢士與射附 按射義曰古者諸侯歲獻貢士於天子天子試之於射宮其容體比於禮其節比於樂而中多者得與於祭數與於祭而君有慶數不與於祭而君有讓數有讓而削地故曰射者射爲諸侯也禮書曰書傳稱諸侯之於天子三年一貢士一適謂之好德再適謂之賢賢三適謂之有功一不適謂之敖三不適謂之誣其適則有衣服弓矢秬鬯虎賁之賞其不適則有紳爵之罰則貢士與射其來尚矣蓋人之賢不肖不能逃於威儀揖讓之間而好惡趨舍常見於行同能偶之際故射於澤宮飾之以禮樂以觀其德比之以耦以觀其類人材其有遺乎

大射鄉射之別考 按禮書曰鄉射於序而用鹿中鄭氏謂士爲州長者之禮也然其言射必兼庠序言禮必兼大夫周官鄉大夫有鄉射之禮則鄉射不特士而已大射前三日宰夫戒宰及司馬鄉射不言蓋戒與射同日也大射有大射正小謝正司射鄉射則有司而已蓋皆主人之吏爲之也大射設次於東故不適堂西鄉射無次故射者適堂西而已大射負侯者諾則以宮又諾以商鄉射獲者諾聲不絕而已大射獻服不則侯西北三步北面拜受爵鄉射獻獲者於侯而已以服不士也故獻卽於侯也大射鐘鼓以鐘鼓奏祿夏鄉射以鼓奏祿夏以君尊故有鐘鼓大夫士卑特用鼓也大射度侯道以狸步鄉射則度以躬大射之侯西十步北十步鄉射則乏參侯道居侯黨之一西五步此大射鄉射之別也




四書冠昏圖考

祿身



聶氏崇義日射物在楹間若丹若墨而午畫之從者疏云君與鄰國射則賓射也以其主君有送賓之事因送則射

次



鄭射禮記云楚朴長如奇三尺大射禮注云次若帷幕也故周禮幕人掌帷幕亦掌次射常儀之又日射者有過則挂之注司射

四書冠昏圖考序

冠於五禮屬嘉禮儀禮士冠禮謂年未二十得爲上中下士而身自行冠禮故鄭康成曰童子任職居士位而冠也大夫二十而冠亦有不待二十者故賈疏曰其大夫始仕者二十已冠迄五十乃命爵爲大夫故大夫無冠禮亦有若甘羅十二相秦得爲大夫冠不以二十始冠也天子諸侯十二而冠賈疏曰左傳襄公九年晉侯以公宴于河上曰君子二年可以冠矣是諸侯十二而冠也若天子亦與諸侯同十二而冠故尚書金縢云王與大夫盡弁時成王年十五則知天子亦十二而冠矣又大戴禮云文王十三生伯邑考左傳云冠而生子禮也是殷之諸侯亦十二而冠若夏之天子諸侯亦十二而冠可知天子之子亦二十而冠賈疏曰禮記祭法曰王下祭殤五又檀弓曰君之適長殤車三乘是年十九已下乃爲殤故二十乃冠矣天子諸侯冠禮與士異賈疏曰大戴禮有公冠篇天子自然有冠禮但儀禮之內亡耳士既三加爲大夫早冠者亦依士禮三加若天子諸侯禮則多矣故公冠篇云公冠四加者緇布皮弁爵弁後加元冕天子亦四加後當加袞冕矣天子之元子猶士天下無生而貴者則天子之元子雖早冠亦用士禮而冠然家語冠頌曰王太子之冠擬冠則天子元子亦擬諸侯四加若然諸侯之子不得四加與士同三加可知○昏禮於五禮屬嘉禮鄭康成曰士娶妻之禮以昏爲期因而名焉必以昏者陽往而陰來日入三商刻爲昏蓋昏禮萬世之始也易著無義禽獸之道也可不慎與此儀禮之作所爲以冠昏二章弁諸首也自識

目錄

冠昏總畧

冠禮經文

宣州太平縣杜炳雲嚴氏學

丈夫之冠父命之

男梓材校

士冠禮受醴見母送賓

士冠禮醮用酒

嫁娶總畧

昏禮經文

士昏禮親迎

不親迎

士昏禮夫婦卽席

往送之門

媒妁

冠昏總畧

按古者男子二十冠而字其實天子諸侯自十二以上皆可冠魯襄公九年公十二晉悼公曰是謂一星終可以冠矣公還及衛冠於成公之廟是十二而冠也家語冠頌武王崩成王年十三嗣立冠而朝於祖是十三而冠也其餘皆二十而冠蓋禮義之始在於正容體齊顏色順辭令冠而後容體正顏色齊辭令順故冠者禮之始也古者冠禮將行筮日筮賓所以敬冠事也冠者禮之始嘉事之重者也重冠故行之於廟未冠之先戒賓曰某有子將加布于其首願吾子教之既戒賓又宿遠賓曰願吾子蒞之至冠之日責以成人冠禮三加始加緇布冠再加皮弁三加爵弁冕之三加彌尊所以諭其志也冠而見於母見於兄弟奠贊用雉於君遂以贊見於鄉大夫鄉先生以成人見也將責爲人子爲人弟爲人臣爲人少之禮可不重與古者適子冠於阼以著代也庶子冠於房外三加既訖乃以醴酌之醮於客位每一加而一醮冠者見母賓遂字之醴有醴辭字有字辭醮有醮辭若適子更有祝辭四辭皆出於賓三代之冠不同夏曰收殷曰冔周曰弁夏以毋牟追殷以章甫周以委貌皆緇布冠其制見衣服部至於皮弁素積則三代共之古者冠禮從卑雖公卿大夫皆用士禮天下無生而貴者故無大夫冠禮諸侯之有冠禮夏之末造也諸侯四加加元冕

冠禮

儀禮士冠禮曰筮于廟

門

若不吉則筮遠日前期加冠

爲期

三日筮賓乃宿賓

賓如主

人服

朝

服宿

贊冠者

佐賓

者爲冠

有司佐禮者在主

請期

宰告曰質明行事

擯者

告期

于賓之家

夙興

設洗

承盥洗

者棄水器

也直于東榮

屋翼南北以堂深水在洗東陳服于房中西墉下東領北上爵弁服

素積緇帶素韞注此與君

元端

裳黃裳雜裳

可也緇帶爵韞

注此莫夕于朝

之服元端即朝服之衣易

緇布冠缺項

青組纓屬于缺緇纓廣終幅長六尺皮弁笄爵弁笄緇組紩纓邊同篋櫛實于簾蒲筵二在南側尊一毬醴在服北有

篚實

勺

鉶角

柶脯醢南上爵弁皮弁緇布冠各一匱執以待于西坫南面東上賓升則東面

自夙興設洗至此論

冠子豫陳設冠與服器

事之主人元端爵韞立于阼階下直當東序西面兄弟畢袗元立于洗東西面北上擯者元端負東塾將冠者采衣紩

紩結髮總角

在房中

南面賓如主人服

贊者元端

不得如

其裳耳上士元

裳中士黃裳下士雜裳

也

分是也

在房中

南面賓如主人服

贊者元端

不得如

其裳耳上士元

裳中士黃裳下士雜裳

也

物之主人元端爵韞立于阼階下直當東序西面兄弟畢袗元立于洗東西面北上擯者元端負東塾將冠者采衣紩

紩結髮總角

在房中

南面賓如主人服

贊者元端

不得如

其裳耳上士元

裳中士黃裳下士雜裳

也



分是也

在房中

南面賓如主人服

丈夫之冠父命之

儀既備令月吉日昭告爾字爰字孔嘉髦士攸宜宣之于假大承受保之曰伯某甫仲叔季唯其所當以上皆父請賓命之者也然冠者見大夫先生亦各有戒勉之辭如晉語趙文子冠見樂武子武子教以務實見范文子文子戒以寵驕又不獨賓有命辭或者父有命子之辭書缺有闕與丈夫之冠考 儀禮義疏士冠禮三加 御案賓主人降辭及對并盥之節經不言面位以鄉飲酒禮準之則降辭與贊之儀甚繁初加賓筵前坐一正纏一興一降受冠一進容一祝一坐一加冠一興一復位一凡十贊者坐櫛一設纏席則房中尚有一筵故合尊脯醢並載之○經三加之節賓一卒一凡三再加並同其或言進不言容言加不言坐言復位不言與文省耳贊者如初惟設笄不設纏卒與卒紜爲異三加並如初要之賓之十節各三贊者之三節亦各三惟冠笄等則當分別言之其冠者之節則出三卽筵坐三興三適房三容一亦不可畧也



四書圖考

元旨

士冠禮


丈夫之冠考 儀禮義疏士冠禮醮用酒 御案醮

禮與上醴禮雖小異大同然經有明文者則當依經圖之	經言尊于房戶之間兩甌有禁元酒在西加勾南枋洗有
篚在西原圖第載元酒二字于房戶間禁勾並闕今補者	經言尊于房戶之間兩甌有禁元酒在西加勾南枋洗有
二○經賓降取爵于篚辭降如初卒洗升酌冠者拜受賓	經言尊于房戶之間兩甌有禁元酒在西加勾南枋洗有
答拜凡入節原圖第載取爵一節今補其七○經冠者升	經言尊于房戶之間兩甌有禁元酒在西加勾南枋洗有
筵坐左執爵右祭脯醢祭酒興筵末坐啐酒降筵拜賓答	經言尊于房戶之間兩甌有禁元酒在西加勾南枋洗有
拜冠者奠爵于薦東立于筵西徹薦爵筵尊不徹凡十二	經言尊于房戶之間兩甌有禁元酒在西加勾南枋洗有
節原圖並闕今補○經再醮攝酒其他如初三醮有乾內	經言尊于房戶之間兩甌有禁元酒在西加勾南枋洗有
折俎疇之其他如初北面取脯見于母三醮雖不言攝酒然經言如初又下若殺再醮三醮皆攝酒則此三醮亦攝	經言尊于房戶之間兩甌有禁元酒在西加勾南枋洗有
酒可知合而言之爲節凡八原圖第言脯醢及再醮攝酒三醮折俎三者而已今補其五	經言尊于房戶之間兩甌有禁元酒在西加勾南枋洗有

嫁娶總畧 按娶妻之禮必以昏爲期故名昏禮合昏必由媒交接設介紹所以養廉恥也納采而用鴈爲擎取其順陰陽往來也鴈木落南翔冰泮北徂夫爲陽婦爲陰用鴈者取婦人從夫之義也古者昏禮必問名必納采必請期必親迎六禮備而後行誠以昏姻人倫之大嘉禮之重者春官宗伯以昏禮親成男女地官司徒以陰禮教親則民不忍遂人以樂昏擾眠皆重昏也又大司徒以荒政十有二聚萬民七曰青禮十日多昏是知禮不殺則昏不多故古者入幣無過五兩嫁娶之儀甚畧此昏姻所以及時而男女所以得正歟詩三百篇首以夫婦爲本桃夭周南詩也美其男女以正昏姻以時擇有梅召南詩也美其男女得以及時野麌一詩雖當亂世而被文王之化猶惡無禮蠻蠻一詩雖以亡國而被文王之化亦恥淫奔所可疑者周官媒氏職仲春之月令會男女奔者不禁數語宜若非周公所制之禮殊不知此非淫奔也蓋仲春之月桃夭而之子于歸冰泮而歸妻有土有女懷春今夕何夕苟有故不得行昏禮則有不待禮而行者此謂之奔特以其凶荒札喪而不得備其禮有不待親迎而行耳豈若桑中之

奔乎故下文云若無故而不用令者罪之也奈何鄭子來朝而季姬遇之于防鍾建負我而季芊嫁之于楚女自擇配不由媒妁乎甚至有父奪子妻如衛宣公之作新臺楚平王之殺子建者矣甚至有兄弟爭室如魯穆伯襄仲之歸莒姬鄭子南子晳之強委禽者矣甚至有已嫁一人復奪以嫁他人如聲伯奪施孝叔之婦孔圉奪太叔疾之妻者矣此皆昏禮不講之流弊所至也

昏禮 儀禮士昏禮曰下達合昏必使媒納采用鴈主人筵于戶西西上右几主婦也使者夫家之屬若羣吏使往來者元端至  
壇者有司佐出請事入告主人如賓服迎于門門外再拜賓不答拜奉使不敢揖入至于廟門揖入三揖至于階三讓主人以賓升西面賓升西階當阿東面致命主人阼階上北面再拜授于楹間南面賓降出主人降授老鴈老鴈者出請賓執鴈請問名主人許賓入授如初禮壇者出請賓告事畢入告出請醴當作禮賓納吉用鴈如納采禮納微元纏束帛儂皮如納吉禮請期用鴈主人辭賓許告期如納徵禮期初昏陳三鼎于寢門外東方北面北上其實特豚合升去蹄舉肺脊二祭肺二魚十有四腊一肫髀不升皆飪設局席設洗于阼階東南饋于房中醯醬二豆至于門外婦家之外主人筵于戶西西上右几主婦也女次純衣纏相立于房中南面姆纏笄宵衣在其右女從者畢珍元纏笄被顙顙其後女從者主入元端迎于門外西面再拜賓東面答拜賓婿主人揖入賓執鴈從至於廟門揖入三揖至于階三讓主人升西面賓升北面奠鴈再拜稽首降出婦從降自西階主人不降送婿御婦車授婿姆辭不受婦乘以几姆加景景制如明衣加之乃驅御者代婿乘其車先俟于門外婦至主人揖婦以入及寢門揖入記曰父禮女而俟迎者母南面于房外女出于母左父西面戒之必有正焉若衣若笄母戒諸西階上不降父送女命之日戒之敬之夙夜母違命母施衿結帨曰勉之夙夜無違宮事庶母及門內施鞶申之以父母之命命之曰敬恭聽宗爾父母之言夙夜無愆視諸矜整周禮地官曰媒氏掌萬民之判男女自成名以上皆書年月日名焉令男三十而娶女二十而嫁曲禮曰男女非有行媒不相知名非受幣不交不親故日月以告君齋戒以告鬼神爲



酒食以召鄉黨僚友以厚其別也郊特牲曰天地合而後萬物興焉夫昏禮萬世之始也取於異姓所以附遠厚別也男子親迎男先於女剛柔之義也壻親御授綏親之也出乎大門而先男帥女女從男夫婦之義由此始也其牢而食同尊卑也按地官云男三十女二十者合爲五十應大衍之數生萬物也但此制自可變通觀大戴禮文王十三生百邑考家語孔子二十生伯魚可見至如仲春之月令會男女奔者不禁司男女之無夫家者而會之此是葬歌所增竄故不採入

親迎考 儀禮義疏 御案經言壻出主人不降送記言父送女命之要之主人不降壻出且然送女可知記所謂送蓋違其位少進但與母戒諸西階畧異耳壻奠雁疏引何休說云周人逆于戶又云迎于房者親親之義也案奠或於門或於庭投幣受幣則堂中居多惟聘禮受玉在中堂與東楹之間投覩幣則當東楹賓問卿卿受幣亦在堂中之西堂上賓主處中彼賓踰堂中而東主人踰堂中而西則重禮也昏爲宗祀所係故重其事如此圖依疏說載之○楊圓婦車在廟門外據下壻俟于門外注云大婦至主人揖婦以入及寢門揖入則婦下車在大門外登車不在廟門外明矣易之

不親迎考 按有欲親迎而不能親迎者國有凶荒

則殺禮而多昏周官荒政十二條亦有比法有當親迎而不親迎者如紀履綸之迎於魯魯公子翬之迎於齊齊俗之俟著俟堂是也

女子之嫁考 儀禮義疏士昏禮夫婦卽席 御

案經言媵御沃盥交注謂媵女從者御壻從者媵沃壻盥于南洗御沃婦盥于北洗又云媵御交道其志其說未合據經第言媵御無壻及婦之文則爲媵御自相交沃其義甚明況婦人不下堂下舅洗于南洗姑洗于北洗其明證也○下脫服後言燭出則夫婦入室時燭入可知但經無文闕之○贊者洗舉者盥皆東面于洗西準士冠贊者之禮蓋辟賓主不南北面也○室中之饌豆籩等皆重惟三俎不重則同牢者亦合俎經文本甚明也合俎則兩席相對俎豆在中其間不能容人贊者往送之門考 按閭百詩曰門卽父母家之門非女子所適之壻家之門此却不須辨論觀下文往之女家可見豈有已至女所適之門而反說往之二字乎又曰孟子贊壻則饌南西面贊婦則饌北東面

子此禮與儀禮士昏禮記不同記云父在阼階上西面戒女母戒諸西階上不降又云父送女命之曰戒之敬之夙夜母違命母施衿結帨曰勉之敬之夙夜無違宮事庶母及門內施鞶申之以父母之命命之曰敬恭聽宗爾父母之言夙夜無愆視諸衿鞶是戒者非止母一人所送亦非止門一處大抵孟子言禮多主大綱不暇及詳

媒妁考 按古者男女非有行媒不相知名故周禮地官媒氏掌萬民之判凡男女自成名以上皆書年月日名令男三十而娶女二十而嫁禮坊記曰男女無媒不交恐男女之無別也詩云娶妻如之何匪媒不得以此坊民民猶有自獻其身白虎通曰男不自專娶女不自專嫁必由父母須媒妁何遠恥防淫泆也奈何女自擇配季姬及鄒子遇于防姑自迎婦蕩伯姬來迎婦不待蹇修爲理耶

